

國語正義

國語正義卷第十八

歸安董增齡撰集

楚語下

昭王問於觀射父

解昭王楚平王之子昭王熊軫也觀

射父楚大夫也曰周書所謂重黎實使天地不通者何

也

解周書謂周穆王之相甫侯所作呂刑也重黎顓頊

掌天地之臣也呂刑曰乃命重黎絕地天通謂少皞之

末民神雜糅不可方物顓頊受之乃命南正重司天以

屬神火正黎司地以屬民謂絕地與天相通之道也若

無然民將能登天平

解若重黎不絕天地民豈能上天

乎對曰非此之謂也古者民神不雜解維會也謂司民

司神之官各異民之精爽不懞貳者而又能齊肅衷正

解爽明也懞離也貳二也齊一也肅敬也衷中也其知

能上下比義解義宜也其聖能光遠宣朗解聖通也明

明也其明能光照之其聰能聽徹之解徹達也如是則

明神降之解降下也在男曰覲在女曰巫解巫覲見鬼

者周禮男亦曰巫疏解巫覲至曰巫○荀子王制篇注

事故曰僂巫跛覲漢書郊祀志顏注巫覲亦通稱耳覲音下狄反是使制神之處位次

主解處居也位祭位也次主次其尊卑先後也而爲之

牲器時服解牲牲之毛色小大也器所當用也時服四

時服色所宜也而後使先聖之後之有光烈解烈明也

而能知山川之號解號名位也高祖之主解高祖廟之

先也疏解高祖廟之先○昭十五年傳王謂籍談曰而

摯則高是高祖孫伯鬻昭十七年傳邾子曰我高祖少皞

曾祖之父故曰廟之先也宗廟之事昭穆之世解父

昭子穆先後之次也春秋躋僖公謂之逆祀齊敬之勤

解齊莊也禮節之宜威儀之則容貌之崇解崇飾也忠

信之質解質誠也禋潔之服解潔祀曰禋而恭敬明神

者以爲之祝解祝大祝也掌祈福祥使名姓之後能知

四時之生解名姓謂舊族若伯夷炎帝之後爲堯秩宗

生嘉穀非卯之屬疏使名至之生○周禮大宗伯疏引

服虔國語注名姓之後聖人大德

之後生謂桑盛孔晁注同漢書郊祀志神降之嘉犧牲應劭注嘉穀也此言非卯之屬亦推言之耳

之物玉帛之類采服之儀絳器之量解絳六絳器俎豆

量大小也疏犧牲至之量○周禮大宗伯疏引服虔國

者禮神玉帛謂若宗伯云蒼璧黃琮牲幣各放其器之

色是也孔晁注同彼疏又引服虔國語注采服之宜者

祭祀之所服色謂若司服以袞冕以下是也次主之度

絳器之量者量數也祭祀之器皆當其數次主之度解疏數之度疏次主之度○大宗伯疏引服虔國語屏

攝之位解周氏云屏者并攝主人之位昭謂屏屏風也

攝形如今要扇皆所以分別尊卑為祭祀之位近漢亦

然疏并解周氏至亦然○大宗伯疏引服虔國語注屏猶

子問云若宗子有罪居于他國庶子為大夫其祭也祝

曰孝子某使介子某執其常事又云攝主不厭祭不旅

不假不綏祭不配是其攝主屏之事左氏昭十八年宋
衛陳鄭災鄭子產使子寬子上巡羣屏攝彼鄭司農云
束茅以爲屏蔽祭神之處草易然故巡行之此屏攝義
與國語異惠棟曰韋解所引周氏者漢儒說春秋晉周
仲女也周說與服同義屏屏風也者爾雅釋宮容謂之
防郭注形如牀頭小曲屏風以屏風况防則古已有
屏之制製以木衣布其形如攝漢之扇也葬則置于牆
今謂宗廟亦然於經未有明徵服周以攝爲攝主然攝
主非常有之事且上犧牲玉帛采服彝器皆壇場之所
是器物則屏攝亦常爲物故不從服周之義壇場之所
解除地曰場疏壇場之所爲禘去禘爲壇去壇爲壇場祭道
神曾子問道而出是也案說文道爲壇去壇爲壇場祭道
湯疏上帝之神及日月星辰下謂凡在地之神謂地山谷正
陵也漢書郊祀志應劭氏姓之出解所自出也而心
注上下謂天地之屬神氏姓之出解所自出也而心
舊典者爲之宗解宗宗伯也掌祭祀之禮疏氏姓至之

伯鄭司農注引作氏姓之所出而心率舊典者為之宗
賈疏引孔晁國語注既非先聖之後又非名姓之後但
氏姓所出之後子孫而心常能循舊典者則為大宗大
宗者於周為宗伯漢書郊祀志注應劭曰氏姓王族之
別也宗大宗也臣瓚曰宗伯也顏師古曰二說皆非
也氏姓謂神本所出及見所當為主者也宗宗人主神
之列位尊卑者也春秋左氏傳號公使祝應宗區享神
又云祝宗用馬于四墉並非宗伯及大宗也案顏說雖
與韋孔相歧於是乎有天地神民類物之官謂之五官
然亦得一解於是乎有天地神民類物之官謂之五官
解類物謂別善惡利器用之官各司其序不相亂也民
是以能有忠信神是以能有明德解明德謂降福祥不
為災孽也民神異業解業事也敬而不瀆疏敬而不瀆
志瀆作黷顏師故神降之嘉生解嘉生善物也疏神降
古注黷汙潔也故神降之嘉生解嘉生善物也疏神降
生○漢郊祀志顏師民以物享禍災不至求用不暨及
古注嘉生謂眾瑞

少皞之衰也九黎亂德解少皞黃帝之子金天氏也九

黎黎氏九人也

疏

解少皞至九人○漢郊祀志注

民神

雜糅不可方物

解

同位故雜糅方猶別也物名也

疏

民神

至方物

○禮記鄭注糅雜也漢郊祀志糅作擾方作放顏師古曰放依也物事也

夫人作享家

爲巫史

解

夫人人人也享祀也巫主接神史次位序言

人人自爲之無有要質

解

質誠也民置於祀而不知其

福

解

言民困置於祭祀而不獲其福烝享無度民神同

位民瀆齊盟無有嚴威

解

齊同也嚴敬也威畏也神狎

民則不蠲其爲

解

狎習也則法也蠲潔也其爲所爲也

嘉生不降無物以享禍災荐臻莫盡其氣

解

荐重也臻

至也氣受命之氣〔疏〕莫盡其氣○漢郊祀志顏顓頊受

之解〔解〕少皞氏沒顓頊氏作受承也乃命南正重司天以

屬神〔解〕南陽位正長也司主也屬會也所以會羣神使

各有分序不相干亂也周禮則宗伯掌祭祀〔疏〕乃命至

昭二十九年傳少皞氏四叔重爲句芒杜注木正案少

皞以爲各官不得有木正故知重居官在顓頊之世重

卽尙書羲仲羲叔之祖也漢書郊祀志顏師命火正黎

古注屬委也以其事委之也屬音子欲反

司地以屬民〔解〕唐尙書云火當爲北北陰位也周禮則

司徒掌土地人民也〔疏〕命火至屬民○鄭志答趙商云

以五行官有火正祝融則火官之號若天地之官據陰

陽之位對南正爲文則爲北正是重黎一人居二官唐

尙書之義本此漢郊祀志應劭注黎陰官也火數二二

地數也故火正司地以屬萬民昭二十九年傳顓頊氏

有子曰黎爲祝融杜注黎爲火正此黎也非重黎也鄭
語且重黎之後也史記楚世家高陽生稱稱生卷章卷
章生重黎爲高辛火正此以重黎二字爲名楚國之祖
也此射父所言之黎卽昭二十九年蔡墨所言之黎此
以黎一字爲名卽尙書和仲和叔之祖也太史公自序
以此單名黎者與高辛火正而爲楚祖之重黎切爲一
人故束皙譏其兩人誤合爲一司馬氏之祖非木正之
重卽火正之黎乃張華等奏云大晉之德始自重黎實
佐顓頊房喬等撰晉書章帝紀其先出自使復舊常
帝高陽之子重黎此皆承史記而誤者也

無相侵瀆解侵犯也是謂絕地天通解絕地民與天神

相通之道其後三苗復九黎之德解其後高辛氏之季

年也三苗九黎之後也高辛氏衰三苗爲亂行其凶德

如九黎之爲也堯興而誅之堯復育重黎之後不忘舊

者使復興之解育長也堯繼高辛氏平三苗之亂繼育

重黎之後使復典天地之官羲氏和氏是也。以至於夏商故重黎氏世敘天地而別其分主者也。**解**敘次也分位也。其在周程伯休父其後也。當宣王時失其官守而爲司馬氏。**解**程國也。伯爵也。休父名也。失官守謂失天地之官而以諸侯爲大司馬。詩曰王謂尹氏命程伯休父是也。**疏**程程國至是也。○後漢書郡國志雒陽有上程地。帝王世紀曰文王居程徙都豐。故此加爲上程。詩常武疏父宜是字而韋昭以爲名未能審之太史公自序云司馬氏世典周史惠襄之間司馬氏去周適晉正義引司馬彪序云南正黎後世爲司馬氏索隱曰司馬夏官卿不掌國史自先代兼爲寵神其祖以取威於史衛宏曰司馬氏周史佚之後

民曰重寶上天黎實下地。**解**龍尊也。言休父之後世尊

神其祖以威耀其民言重能舉上天黎能抑下地今相
遠故不復通也遭世之亂而莫之能禦也解亂謂幽平
以下也禦止也不然夫天地成而不變解言天地體成
不復改變也何比之有解言不相比近也

子期祀平王

解

子期楚平王之子結也平王恭王子昭

王父也祭以牛俎於王

解

致牛俎於昭王

疏

解致牛俎於昭王○

曲禮大夫以索牛正義謂天子之大夫若諸侯之大夫
卽用少牢其喪祭大夫亦得用牛故雜記云上大夫之
虞也少牢卒哭成事祔皆太牢卒哭成事祔皆無致胙
之文知此祀平王爲吉祭也宋祖帝乙鄭祖厲王諸侯
得祀出王而大夫必不得祖諸侯子期乙鄭祖厲王爲公
廟設於私家而又上僭諸侯之牲故用牛少儀凡膳告
於君子主人展之以授使者于阼階之南而再拜稽首
送反命主人又再拜稽首其禮太牢則以牛左肩臂臠

折九箇祭時牛陳於王問於觀射父曰祀牲何及**解**王

感俎肉而問牲何所及對曰祀加於舉**解**加增也舉人

君朔望之盛饌天子舉以大牢祀以會**解**大牢牛羊豕

也會會三大牢舉四方之貢**疏**天子至以會○天子祀

王制祭法具有明文不聞以三大牢祀天也若宗廟之

祭則莫大於禘祫周禮宗伯所謂以肆獻裸享先王也

賈公彥謂體解之時必肆解以爲二十一體等而上之則爲

据特牲饋食解九體少牢饋食十一體等而上之則爲

二十一體若三大牢並用則肆解爲六十三體薦孰時

不太多繁乎充人供其享牛求牛鄭注享獻也獻神之牛

謂所以祭者也求終也終事之牛謂所以釋者也則正

祭日用一牛明日釋祭又用一牛不聞一日並用三牛

三羊三豕也蓋祀以會者指王齊之時而言膳夫職王

齊日三舉鄭康成引先鄭司農云齊必變食賈公彥謂

加牲體至三大牢玉藻朔日加日食一等則朔日當兩

太牢山疏意推言則與舉以大牢合齊因祀而行故言

祀以會言將祀之時日食用諸侯舉以特牛祀以大牢

三大牢也與下文祀字異義解特一也卿舉以少牢祀以特牛解少牢羊豕大夫舉

以特牲祀以少牢解特牲豕也士食魚炙祀以特牲疏

禮以特牲○儀禮特牲饋食禮夙興主人服如初立于門外東房南面視側殺注側殺殺一牲也賈疏引士冠

禮注側猶特也無耦曰側少牢云司馬庶人食菜祀以

魚疏祀以魚○王制庶人夏薦麥麥以魚哀五年公羊

傳陳乞曰常之母有魚菽之祭謙言至薄下同庶

人上下有序民則不慢王曰其小大何如對曰郊禘不

過藹栗解角如藹栗郊禘祭天也烝嘗不過把握解握

長不出把者王曰何其小也對曰夫神以精明臨民者

也故求備物不求豐大解備物體具而精潔者是以先

王之祀也以一純二精解一純心純一而潔二精玉帛

也三牲四時五色六律七事八種解七事天地民四時

之務也八種八音也九祭十日十二辰以致之解九祭

九州助祭也十日甲至癸也十二辰子至亥也擇其吉

日令辰以致神疏祭解九祭至致神○周禮春官大祝九

日周祭五日振祭六日擗祭七日絕祭八日繚祭九日

其祭則九祭之名甚為昭著宏綱以九祭為九州助祭

未審所本十日甲至癸也者漢書律歷志出甲於甲奮

軌於乙明炳於丙大盛於丁豐楙於戊理紀於己斂更

於庚悉新於辛懷任於壬陳揆於癸此即史記律書

之義釋名亦與班志畧同十二辰子至亥也者史記律

書子者滋也言萬物滋于下也丑紐也言陽氣在上未

降萬物厄紐未敢出寅者萬物始生蟄然也故曰寅卯

之言茂也言萬物茂也辰者言萬物之蜺也巳者言陽

氣之已盡也午者陰陽交故曰午未者言萬物皆成有

滋味也申者言陰用事申賊萬物酉者言萬物之老也
戌者言萬物盡滅故曰戌亥者該也言陽氣藏于下故
該也漢書律歷志說文釋名與史記畧同少牢饋食禮
日用丁巳筮旬有一日大夫如此則天子諸侯卜祭日

可知百姓千品萬官億醜兆民經入咳數以奉之解百姓

百官受氏姓也千品姓有微品十爲千品五物之官陪

屬萬爲萬官官有十醜爲億醜天子之用九咳以食兆

民王取經入以食萬官也疏解百姓至萬官○書平章

隱八年左傳天子建德因生以賜姓謂建立有德以爲

公卿因其所生之地而賜之以爲其姓令其收斂宗族

自爲宗主明王者任賢不任親故以百姓言之廣韻微

達也言姓之顯著昭二十九年傳物有其官故有五
行之官是五物卽五行定四年傳杜注陪增也官有十醜

爲億者易漸卦疏醜類也昭四年傳申無字曰人有十

等下所以事上上所以共神也王臣公公臣大夫大夫
臣士士臣阜阜臣與與臣隸隸臣僚僚臣僕僕臣臺則

十等為十類也咳咳蓋通字風俗通義千生萬生億億生兆兆生京京生垓垓生秭秭生壤壤生谿谿生澗澗生正正生載則九咳即九州王制四明德以昭之解海之內為田八十萬億一萬億畝也

昭昭孝敬也解聲以聽之解中和之聲使神聽之以告

福至則無不受休解至神至也休慶也毛以示物解物

色也血以告殺解明不因故也疏特毛以至告殺○禮郊

物毛是告全之物告幽者言牲體肉衷美善告全者牲

體外色完具故鄭云純謂中外皆善言中善則血好外

善則毛好也祭義卿大夫祖而毛牛尚耳鄭注以耳目

為尚疏耳主聽欲使人聽之蓋充人掌辨牲色如周公

自牡魯公駢駒必薦其耳木之毛使神知其為白為駢

也詩正義云若不殺則無血故以血告殺也內則擣珍

取牛肉必新殺者是牲接誠拔取以獻其為齊敬也解

以新殺為貴以明敬也接誠拔取以獻其為齊敬也解

接誠於神也拔毛取血獻其備物也齊潔也詩曰執其

鸞刀以啓其毛取其血骨敬不可久民功不堪故齊肅

以承之解肅疾也承奉也王曰芻豢幾何解草食曰芻

穀食曰豢疏芻豢幾何○文選七發李善注國語芻豢

本皆作芻對曰遠不過三月近不過浹日解遠謂三牲近謂

雞鶩之屬浹日十日也疏解決日十日○周禮大宰鄭

日賈疏若甲至癸仍有癸日不得通挾故以從甲至甲言之王曰祀不可以已乎解

已止也對曰祀所以昭孝息民解昭孝養使民蕃息也

撫國家定百姓也不可以已夫民氣縱則底解氣志氣

也縱放也底箸也底則滯滯久則震解滯廢也震懼也

言無祭祀則民無所畏懼無所畏懼則志放縱志放縱

則遂廢滯難復恐懼也生乃不殖解生人物也殖長也

不長神不降以福也是用不從解不從上令其生不殖

不可以封解封國也是以古者先王日祭月享時類歲

祀解以事類日類日祭於祖考月祭於高曾時類於二

祧歲祀於壇壇疏日祭至歲祀○祭法王立七廟一壇

顯考廟日祖考廟皆月祭之遠廟為祧有二祧享嘗乃

止去祧為壇去壇為壇壇有禱焉祭之無禱乃止去

壇日鬼不言日與歲時者文不具也周禮司尊彝鄭注享

祭也祭者至也言人事至於神也周禮司尊彝鄭注享

獻也蓋合四海九州之所有而獻之也王制鄭注類祭

名其禮亡疏引小宗伯凡天地之大裁類社稷宗廟則

為位則宗廟亦可言類不嫌與巡守之類攝位之類行

師之類戰勝之類同名也孝經疏祀者似也似將見先

人也以期日之疏數諸侯舍日解有月享也卿大夫舍

別世次之遠近也

月解有時祭也士庶人舍時解歲乃祭也天子徧祀羣

臣品物解品物謂若八蜡所祭貓虎昆蟲之類也疏子天

至品物○徧祀則天神地祇人鬼皆在其中復言羣臣
品物舉卑以包尊月令乃命百縣雩祀百辟卿士有益
于民者書盤庚茲予大享于先王爾祖其從以享之是
天子祀羣臣也○解品物至之類○郊特牲迎貓爲其
食田鼠也迎虎爲其食田豕也迎而祭之也鄭注迎其
神也疏恐迎貓虎之身故云迎其神而祭之王制昆蟲
未蟄鄭注昆蟲明也明蟲者得陽而生得陰而藏祭統鄭
注昆蟲謂溫生寒死之蟲也漢書成帝紀昆蟲衆也昆蟲
言衆蟲也又許氏說文二虫爲虺讀與昆同謂蟲之總
名兩義並通而康成以昆蟲爲明蟲失之矣按大戴禮
夏小正篇昆者衆也山魂句魂也者動也小蟲動也則
顏注本戴記之義荀子富國篇楊注昆蟲蚺蜥蝻蝻范之

屬諸侯祀天地三辰及其土之山川解三辰日月星也

祀天地謂三王後也非三王後祭分野星山川而已疏

請侯至山川○昭十三年傳乃大有事於羣望杜注羣
望星辰山川疏引孔晁國語注與章解同昭元年傳辰
為商星參為晉星哀六年傳江漢雎漳楚之望也是諸
侯得祭分野之星及山川也○解祀天至王後○襄二
十五年傳子產曰庸以元女大姬配胡公而封諸陳以
備三恪孔疏引郊特牲云天子存二代之後猶尊賢也
尊賢不過二代鄭康成謂杞宋二王之後又封陳并二王後
恪杜預以周封夏殷之後為二王後又封陳并二王後
為三恪按禮運杞之郊也禹也宋可知况薊祝陳並帝者陳不
聞有郊則其禮不得同杞宋可知况薊祝陳並帝者陳不
後無緣降舜為王蓋韋解本作卿大夫祀其禮○解禮謂
二王後後人傳寫訛作三耳卿大夫祀其禮○解禮謂
五祀及祖所自出也○疏傳解禮謂至自出○昭二十九年
於戶祝融祀於竈薛收祀於門元冥祀於井后土祀於
中霽周禮鄭注引儀禮逸中霽云凡祭五祀于廟有主
有戶皆設席于奧祀戶之禮南面設主於戶內之西乃
制脾及腎為俎奠于主北又設盛於俎西祭黍稷祭肉
祭醴皆三祭肉脾一腎再儀祀竈之禮先席于門之奧
筵前迎戶畧如祭宗廟之儀祀竈之禮先席于門之奧

東而設主於竈陞乃制肺及心肝爲俎奠於主西又設
盛于俎南亦祭黍三祭肺迎尸如祀戶之禮祀門之禮
之更陳鼎俎設饌于筵前迎尸如祀心爲俎奠于主南又
北面設主于門左樞乃制肝及肺心爲俎奠于主南又
設盛于俎東其他皆如祀奠于主南又設盛于俎東祭肉
于轍上乃制及脾爲俎奠于主南又設盛于俎東祭肉
腎一大脾再其他皆如祀門之禮祖所自出謂曾祖也祭
法大夫立三廟一皆如祀門之禮祖所自出謂曾祖也祭
乃止顯考祖考無廟皇考爲王考之父母則曾祖也王考
之所出故謂之祖所自出近儒引大傳別子爲祖謂別
子所自出之君以喻之則如宋祖乙鄭祖厲王者按別
郊特牲明言大夫以喻之則如宋祖乙鄭祖厲王者按別
也別子果得立諸侯之廟于家何郊特牲斥其非禮
乎宋存殷祀方且使祀成湯何况帝乙鄭祖厲王出于
西周之末已非禮制子期身存當助昭王祭于平廟子期
射父以此諷之蓋子期身存當助昭王祭于平廟子期
身沒則子孫卽士庶人不過其祖解祖王父也日月會
奉之爲祖矣

於龍虺解龍尾也謂周十二月夏十月也日月合辰

於尾上月令曰孟冬日在尾

疏

解疏龍至在尾○呂氏

冬夏之十月尾東方宿燕之分野是月日躔此宿錢大

昕曰廣韻四覺部犯訓龍尾又與豚同乃知獫狁為犯之

語廣雅豚鬣也故龍尾亦有龍犯之稱然犯豚皆漢人

俗字依說文當為涿涿者流下滴與鬣義正相近也

土氣含收

解

含收收縮萬物含藏也天明昌作

解

昌盛

也作起也謂天氣上也是月純坤用事百嘉備舍

解

嘉

善也時物畢成舍人室也羣神頻行

解

頻並也並行欲

求食也國於是乎烝嘗家於是乎嘗祀

解

烝冬祭也嘗

嘗百物也月令孟冬大飲烝傳曰閉蟄而烝百姓夫婦

擇其令辰

解

辰十二辰也奉其犧牲敬其齋盛潔其糞

除愼其采服禮其酒醴帥其子姓

解

禋潔也子衆子姓

同姓也從其時享虔其宗祝解宗主祭祀祝主祝祈也

道其順辭以昭祀其先祖肅肅濟濟如或臨之於是乎

合其州鄉朋友婚姻比爾兄弟親戚解合會也比親也

於是乎弭其百苛姸其讒慝解弭止也苛虐也姸覆也

止覆謂解怨除恨之辭合其嘉好結其親暱解台結也

謂於此更相申固之億其上下解億安也以申固其姓

上所以教民虔也下所以昭事上也天子禘郊之事必

自射其牲解牲牛也疏必自射其牲○周禮夏官射人

之弓矢漢書郊祀志武帝合諸儒習射牛又云令侍中

儒者皮弁摺紳射牛行事則漢尚守周制也史記封禪

書集解蘇林曰當祭廟射其牲以除不祥臣瓚曰射牛

示親殺也索隱天子射牛示親殺也是司馬貞用瓚說

也王后必自舂其粢解器實曰粢疏王后至其案○周

案謂黍稷稻粱麥菰是諸穀皆各案左傳釋文糲米一

斛春為八斗占者后宮藏種生而獻之取稼嫁滋生之

義帝耕於籍后獻其種及收而藏于神倉則有諸侯宗

王后親舂之禮如天子三推而存人終其事焉諸侯宗

廟之事必自射其牛割羊擊豕解封刺也擊殺也疏諸

至擊豕○禮記鄭注引儀禮逸烝嘗禮云射豕者隱四

年傳則君不射惠棟左傳補注曰此指祭祀射豕者引夏

官射人及司弓矢為證少牢饋食禮司馬割羊司士擊

豕司馬升羊右胖髀不升肩臂肅勝肅勝肅勝肅勝肅勝

橫脊一短脅一正脅一代脅一皆二骨以並肅勝肅勝

舉肺一祭肺三實于一鼎司士升豕右胖髀不升肩臂

肅勝肅勝肅勝肅勝肅勝肅勝肅勝肅勝肅勝肅勝肅勝肅勝

白舂其盛解在器曰盛上言案此言盛互其文也疏夫

夫人必

至其盛○桓十四年穀梁傳甸粟而納之三宮三宮米而藏之御廩夫嘗必有兼甸之事焉范注夫人親舂是兼甸之事漢書五行志劉向以為御廩

夫人入妾所舂米之藏以奉宗廟者也况其下之人其誰敢不戰戰兢兢以事百神天子親舂禘郊之盛

后舂之王后親繰其服解服祭服也祭義云夫人繰三

盆手則王后其一盆與國語曰王耕一墦班三之疏王

親繰其服○祭統王后蠶于北郊以其純服周禮內宰中春詔王后率外內命婦始蠶于北郊祭義世婦卒蠶

奉繭以示于君遂獻繭于夫人夫人繰三盆手遂布于三宮夫人世婦之吉者使繰遂朱絲之元黃之以為黼

黻文章服既成君服以祀先王先公鄭注三盆手者三淹也凡繰每淹大總而手振之以出緒也孔疏此雜互

天子而自公以下至於庶人敢不齊肅恭敬致力于神

民所以攝固者也若之何其舍之也解攝持也舍廢也

王曰所謂一純二精七事者何也對曰聖王正端冕以

其不違心帥其羣臣精物以臨監享祀無有苛慝於神

者謂之一純解端元端之服也冕大冠也監視也不違

心謂心思端正服則端冕玉帛為二精解明潔為精天

地民及四時之務為七事王曰三事者何也對曰天事

武解乾稱剛健故武疏解乾稱剛健故武○周易集解

也地事文解地質柔順故文易曰坤為文疏解地質至

家易曰萬物相解以忠信為行王曰所謂百

姓千品萬官億醜兆民經入眚數者何也對曰民之微

官百解徹達也自以名達於上者有百官也王公之子

弟之質能言能聽徹其官者解質有賢行也能言能言其官職也而物賜之姓以監其官是爲百姓解物事也以功事賜之姓官有世功則有官族若司馬大史之屬是也姓有徹品十於王謂之千品解謂一官之職其寮屬徹於王者有十品百官故有千品也五物之官陪屬萬爲萬官解五官謂天地人民類物之官也臣之臣爲陪屬謂有僚屬轉陪貳相佐助復有十等千品故萬官也官有十醜爲億醜解醜類也以十醜承萬爲十萬十萬曰億古數也今人乃以萬萬爲億疏解醜類至爲億○詩楚茨箋伐檀箋並云十萬曰億知古億十萬者以田方百里於今數爲九百萬畝而王制云方百里者爲田九十億畝是

億爲十萬故王制注億今之十萬是以今曉古也豐年
毛傳數萬至萬曰億數億至億曰秭陸德明曰毛傳以
時事言之故九章算術皆以萬爲億也天子之田九畝以食兆
民解九畝九州之內有畝數也食兆民耕而食其中也
天子曰兆民王取經入焉以食萬官解經常也常入征
稅也

鬬且廷見令尹子常解鬬且楚大夫子常子囊之孫囊
瓦也子常與之語問蓄貨聚馬歸以語其弟曰楚其亡
乎不然令尹其不免乎吾見令尹問蓄貨積實如餓豺
狼焉解實財也殆必亡者也夫古者聚貨不妨民衣食
之利聚馬不害民之財用解貨珠玉之屬自然物也貨

馬多則養求者衆妨財力也國馬足以行軍解國馬民

馬也十六井爲正有戎馬一匹牛三頭足以行軍也疏

解國馬至行軍○昭四年傳孔疏正十六井當出馬一匹牛三頭司馬法文也周禮有大征家征謂出車徒給

徭役此牛馬之屬則家征也公馬足以稱賦解公馬公之戎馬也稱

舉也賦兵賦也疏解公馬至兵賦○夏官校人天子十

注諸侯有齊馬道馬田馬大夫有田馬各一閑其駑馬則皆分爲三焉據此則公馬當兼祀獵給使言之未必

專指戎不是過也公貨足以賓獻解賓饗贈也獻貢也

馬也疏公貨至賓獻○公貨卽儀禮聘禮所言公幣賈疏于

二也致饗餼三也夫人歸禮幣四也疏賓幣

幣六也致饗餼七也疏夫人歸禮幣四也疏賓幣

者皆用束錦故曰公幣上介公幣則有五致饗餼一也

是以實獻謂足共家貨足以共用解家大夫也疏至共

用○家貨即儀禮聘禮所言私幣賈疏於卿大夫皆一食有

私幣賓之私幣畧有十九主國三卿五大夫或食或饗不

脩幣饗有酬幣皆用束錦則是十六有三卿或食或饗不

九也上介私幣有十一主國三卿五大夫或食或饗不

備要有其一則其幣八也又三卿皆有郊贈如用其幣

通前則十一也其用謂足共脩酬郊贈送往之用也

不是過也夫貨馬郵則闕於民解郵過也闕缺也民多

闕則有離畔之心將何以封矣解封封國也昔鬬子文

三舍令尹解子文鬬伯比之子於菟也舍去也無一日

之積恤民之故也解積儲也成王聞子文之朝不及夕

也解成王楚文王之子頹也於是乎每朝設脯一束糗

一筐以羞子文解糗寒粥也筐器名也羞進也疏解糗

寒至

器名○糗說文熬米麥也又乾飯屑也周禮籩人鄭司
農注糗熬大豆與米也鄭康成注糗者搗粉熬大豆爲
餅尚書費誓孔疏糗搗熬穀也熬米麥使熟又搗之以
爲粉哀十一年傳杜注糗乾飯按宏綱訓爲寒粥諸儒
所未言者且僅爲
竹器亦未可盛粥也至于今令尹秩之解秩常也成王

每出子文之祿必逃王止而後復解祿奉也復反也人

謂子文曰人生求富而子逃之何也對曰夫從政者以

庇民也解庇覆也民多曠者而我取富焉解曠空也是

勤民以自封也解勤勞也封厚也死無日矣我逃死非

逃富也故莊王之世滅若敖氏唯子文之後在至於今

處郎爲楚良臣解莊王成王孫也若敖氏子文之族也

魯宣四年子文之弟子鬬椒爲亂莊王滅若敖氏之族

子文之孫蒧尹克黃使於齊還而自拘於司敗王思子
文之治楚也曰子文無後何以勸善使復其所其子孫

當昭王時爲助公疏至於今處鄖○漢書地理志江夏

郡雲杜注應劭曰若敖取于鄖今鄖亭是也桓十一年

傳杜注鄖國名則鄖與鄖雖同在江夏而城宣四年傳杜注

又云鄖國名則鄖與鄖雖同在江夏而城宣四年傳杜注

西水注中水又西運竟陵縣北西注楊水謂之巾口水

經又云古竟陵大城古鄖國也鄖公辛所治所謂鄖鄉水

矣鄖本小國楚滅爲邑在今是不先恤民而後已之富

湖北德安府安陸縣境內

乎今子常先大夫之後也解先大夫子襄也而相楚君

無令名於四方民之羸餒日日已甚解羸瘠也言日日

又甚四境盈壘解盈滿也壘壁也言壘壁滿於四境之

內道殪相望解道家曰殪詩曰行有死人尚或殪之盜

賊司目民無所放解放依也疏盜賊至所放○昭九年

司明也漢書汲黯曰外挾賊吏以爲重也董仲舒傳曰暴虐百姓與姦爲市言子常以盜賊之人居君司目之任也檀弓梁木其壞則吾將安放注謂梁木爲衆木所依是訓放爲依也是之不恤而蓄聚

不厭其速怨於民多矣解速召也積貨滋多蓄怨滋厚

不亡何待夫民心之慍也解慍怒也若防大川焉潰而

所犯必大矣解犯敗也子常其能賢於成靈乎成不禮

於穆願食熊蹯不獲而死解成成王穆王商臣之父也

欲黜商臣而立其弟職商臣圍成王王請食熊蹯而死

不聽遂自殺蹯掌也疏蹯掌○文元年傳杜注熊掌

難熟或云熊好舐其掌故熊掌

爲珍饈說文獸足謂之番从靈王不顧於民一國棄之

如遺跡焉解靈王不君罷弊楚國三軍叛之如行人之

遺棄其迹也子常爲政而無禮不顧甚於成靈其獨何

力以待之解待猶禦也期年乃有栢舉之戰子常奔鄭

昭王奔隨解栢舉楚地隨漢東國也初蔡昭侯朝于楚

子常欲其佩唐成公亦朝焉子常欲其驢騾馬二君不

予而畱之三年後子之乃得歸歸與吳伐楚大敗之在

魯定四年奔隨自郢奔隨也疏解栢舉至奔隨○名勝

栢子山縣東南有舉水栢舉之名蓋合栢山舉水而得

之顧炎武左傳杜解補正引傳遜曰栢舉楚地在今河

南西平縣今栢子國並錄二說以待審定隨鄭語解訖

定四年傳孔疏引賈逵注肅霜色如霜執馬融曰肅爽

雁也其羽如練高首而修頸馬似之天下稀有故子常

欲之說文鵠鵠五方神鳥也西方曰鵠鵠淮南原道訓

高注鵠鵠鳥名長頸緣身其形似雁文選注引三傳異

同說曰驢驢鳥也馬似之杜解但云駿馬名殊未分晰

淮南泰族訓閻伐楚五戰及郢燒高府之粟破九龍

之鍾鞭荆平王之墓含昭王之宮昭王奔隨定四年傳

楚子涉睢濟江入於雲中王奔鄖關辛與其弟巢以王

奔隨顧炎武杜解補正引傳遜曰睢漢二水皆入江楚

子既涉睢而西復還入睢由睢而入江統

吳兵之南而北濟以入郢自郢奔隨也

吳人入楚疏吳人入楚○哀四年冬十一月庚辰吳入

捷平王之墓徐彥公羊疏引春秋說鞭平王尸血流至

蹀按昭二十六年楚子居卒至今二十餘年而言血流

至蹀者非常之事昭王出奔濟於成曰解吳人闔閭也

未可以常理測也昭王出奔濟於成曰解吳人闔閭也

出奔隨也濟渡也成曰津名疏解成曰津名○定六年

曰水出聊屈山西南入漢按今湖北漢陽府漢川縣有

曰水亦名曰子河西南與漢水合水經沔水注言曰水

入河與見藍尹癸載其孥解藍尹癸楚大夫也妻子曰

孥疏

見藍至其孥○廣韻引世本云楚大夫涉其孥則

世本何

據也王曰載子對曰自先王莫隊其國解隊失也當

君之世而亡之君之過也遂去王王歸又求見王王欲

執之子西曰請聽其辭夫其有故解子西平王之子昭

王之庶兄令尹公子申也故猶意也王使謂之曰成曰

之役而棄不穀今而敢來何也解而汝也對曰昔瓦唯

長舊怨以敗於柏舉故君及此解瓦子常名也長猶積

也今又效之無乃不可乎臣避於成曰以儆君也庶悛

而更乎解悛改也今之敢見觀君之德也曰庶懼而鑒

前惡乎解鑒鏡也君若不鑒而長之君實有國而不愛
臣何有於死解何惜於死死在司敗矣解楚謂司寇爲
司敗唯君圖之子西曰使復其位以無忘前敗解言見
齊則念前敗也王乃見之

吳人之入楚楚昭王奔郢解郢楚邑也郢公之弟懷將

殺王解郢公楚令尹子文之元孫之孫蔓成然之子鬬

辛也郢公辛止之懷曰平王殺吾父解平王昭王考也

父蔓成然也成然立平王貪求無厭平王殺之在國則

君在外則讎也見讎弗殺非人也郢公曰夫事君者不

爲外內行解不爲外內易行不爲豐約舉解豐盛也約

衰也舉動也苟君之尊卑一也且夫自敵以下則有讎
〔解〕敵敵體也非是不讎下虐上爲殺上虐下爲討而况
君乎君而討臣何讎之爲若皆讎君則何上下之有乎
吾先人以善事君成名於諸侯自鬬伯比以來未之失
也今爾以是殃之不可〔解〕殃病害也懷弗聽曰吾思吾
父不能顧矣邲公以王奔隨〔解〕避懷也王歸而賞及邲
懷子西諫曰君有二臣或可賞也或可戮也君王均之
羣臣懼矣〔解〕均同也賞罰無別故懼也王曰夫子期之
二子邪吾知之矣〔解〕子期蔓成然字或禮於君或禮於
父均之不亦可乎

子西歎於朝藍尹璽曰吾聞君子唯獨居思念前世之

崇替

解崇終也替廢也詩云曾不崇朝與哀殯喪解塗

水曰殯於是有歎其餘則否君子臨政思義解思公義

也飲食思禮同宴思樂在樂思善無有歎焉今吾子臨

政而歎何也子西曰闔閭能敗吾師解柏舉之戰闔閭

卽世吾聞其嗣又甚焉

解嗣嗣子夫差也甚謂政德過

於父也吾是以歎對曰子患政德之不修無患吳矣夫

闔閭口不食嘉味耳不樂逸聲解逸淫也目不淫於色

身不懷於安朝夕勤志恤民之羸解羸病也聞一善若

驚得一士若賞解若受賞也有過必悛解悛改也有不

善必懼是故得民以濟其志〔解〕濟成也志戰克也今吾

聞大差好罷民力以成私好縱過而翳諫〔解〕翳障也〔疏〕

解翳障○廣雅翳障也廣韻隱也蔽也急就篇注翳一凡鳥之羽可隱翳者也無者所持羽翹以自隱蔽

夕之宿臺榭陂池必成六畜玩好必從夫先自敗也已

焉能敗人子修德以待吳將斃矣

王孫圉聘於晉〔解〕王孫圉楚大夫也〔疏〕○王孫至大夫

圉案楚靈王雖無後然楚大夫不應取先君之名爲名則作圉者非也定公饗之趙簡子

鳴玉以相〔解〕定公晉頃公之子午也簡子趙鞅也鳴玉

鳴其佩玉以相禮問於王孫圉曰楚子白珩猶存乎〔解〕

珩佩上之橫者對曰然簡子曰其爲寶也幾何矣〔解〕幾

何世也曰未嘗爲寶楚之所寶者曰觀射父解言以賢

爲寶不以寶爲寶能作訓辭以行事於諸侯解言以訓

辭交結諸侯使無以寡君爲口實解口實毀弄也又有

左史倚相能道訓典以敘百物解敘次也物事也以朝

夕獻善敗於寡君使寡君無忘先王之業又能上下說

乎鬼神順道其欲惡解說媚也使神無有怨恚于楚國

解痛疾也又有藪曰雲連徒洲金木竹箭之所生也解

楚有雲夢藪澤也連屬也水中之可居者曰洲徒其名

也疏解楚有至其名○夏官職方荊州其澤藪曰雲夢

年傳王以田于江南之夢定四年傳楚子涉睢濟江入

于雲中雲夢二字分舉從省文也後人遂謂夢在江南

雲在江北唐人改禹貢爲雲土夢作又以從古本尚書然史記夏本紀述禹貢云雲夢土爲治漢書地理志引禹貢云雲夢土作父則唐人所云尚書古本未足據也吳師五戰及郢昭王自郢西走涉沮水渡江而南東行入雲中故杜注云入雲夢中所謂江南之夢是雲卽江南之夢後儒謂雲在江北者非也漢書地理志南郡華容縣雲夢澤在南荆州荻漢晉華容縣今爲荆州府監利首二縣監利在江北石首在江南郭璞言在華容縣東南巴上湖者舉江南以該江北也鄭謂射父言雲猶定四年傳之單言雲中故宏嗣据爾雅職方漢志而以雲夢釋之知徒爲洲龜珠齒角皮革羽毛所以備賦名者以晉語有徒林也解龜所以備吉凶珠所以禦火災角川以戒不虞者也解

所以爲弓弩齒象齒所以爲弣皮虎豹皮所以爲茵韃革犀兕也所以爲甲冑羽鳥羽也所以爲旌毛旌牛尾所以注干首賦兵賦虞度也所以共幣帛以賓享於諸

侯者也

解享獻也

疏

其幣至諸侯。○儀禮聘禮受享束帛加琮鄭注享獻也既聘又享所以厚恩惠也聘禮又

云賓楊奉束帛加璧享是皆以幣帛也昭七年傳楚子

享公于新臺好以大屈楚世家集解服虔左傳注大屈

寶金可以爲劍一曰大屈弓名魯連書曰楚子享魯侯

與之大屈之弓既而悔之若諸侯之好幣具而導之以

是楚國賓享諸侯之事也

訓辭

解

導行也有不虞之備而皇神相之**解**能媚於神

故皇神相之皇大也相助也寡君其可以免罪於諸侯

而國民保焉

解

保安也此楚國之寶也若夫白珩先王

之玩也何寶焉

解

玩玩弄之物圉聞國之寶六而已聖

能制議百物以輔相國家則寶之玉足以庇蔭嘉穀使

無水旱之災則寶之

解

玉祭祀之玉也

疏

玉足至則寶之。○詩雲漢

圭璧既卒是禱水旱之祭用玉也唐代宗卽位楚州獻
定國寶十有二其三日穀璧白玉也如粟粒無雕鐫之
跡王者得之五穀豐足王能庇穀也龜足以憲臧否則寶之解憲法也取

善惡之法珠足以禦火災則寶之解珠水精故以禦火

災疏之解珠水至火災說文珠蚌疏金足以禦兵亂則寶

之解金所以爲兵也疏金足至寶之儲十八年傳鄭

與之盟曰無以鑄兵故以鑄三鐘楚山林藪澤足以備

財用則寶之若夫譁器之美解譁器猶謹饒謂若鳴玉

以相楚雖蠻夷不能寶也解微刺簡子也

惠王以梁與魯陽文子解惠王昭王子越女之子章也

梁楚北境也文子平王之孫司馬子期子魯陽公也文

子辭曰梁險而在北境懼子孫之有貳者也解貳二心

也夫事君無憾憾則懼解憾恨也無憾謂得志也偏

偏上也偏則懼貳解偏則懼誅故貳也夫盈而不偏解

盈志滿也憾而不貳者臣能自壽也解壽保也不知其

宅解宅子孫也縱臣而得以其首領以沒懼子孫之以

梁之險而乏臣之祀也解恃險而貳將見誅絕王曰子

之仁不忘子孫施及楚國敢不從子與之魯陽疏與之

○汲郡古文孔甲七年劉累遷于魯陽班固曰南陽魯

陽縣有魯山古魯縣御龍氏所遷昭二十九年傳魯縣

杜注今魯陽今河南汝州魯山縣西北有魯陽故城淮

南覽冥訓魯陽公與韓構難戰酣日暮援戈而搗之日

爲之反三舍高注公楚平王之孫司馬子期之子國語

所稱魯陽文子也水經注潢水又東逕魯陽縣故城南

肯在于楚文子守之
是說文子之事也

子西使人召王孫勝解王孫勝故平王太子建之子白

公勝也初費無極為太子少師無寵太子取於秦而美

勸王納之遂譖太子曰建將叛太子奔鄭又與晉人謀

鄭鄭人殺之勝奔吳在魯哀十六年沈諸梁聞之解沈

諸梁左司馬沈尹戌之子葉公子高也疏解沈諸至子

夫論在左司馬者莊王之曾孫葉公諸梁者戌之第三

弟也呂氏春秋高注沈尹戌莊王之孫沈諸梁葉公子

高之父昭十八年傳杜注沈尹戌莊王曾孫葉公諸梁

父也是韋解用高說也荀子非相篇葉公子高微小短
葉縣案今河南南陽府葉縣南三十里有古葉城見子
西門子召王孫勝信平曰然子高曰將焉用之曰吾

聞之勝直而剛欲寘之境解寘置也傳曰君之使處吳

境爲白公疏解傳曰至白公○哀十六年傳杜注汝陰

勝于吳以爲巢大夫號曰白公伍子胥列傳惠王召勝

使居鄢號爲白公楚世家正義引括地志白亭在豫州

褒信東南三十二里褒信本漢鄢縣之地後漢分鄢置

褒信縣在今褒信縣東七十七里伍子胥傳正義又引

括地志故鄢城在豫州鄢城縣南五里與褒信白亭相

近鄢音偃則傳所言吳境當爲鄢也後漢郡國志褒信

侯國有賴亭故國劉昭曰楚封子高曰不可其爲人也

王孫勝爲白公則鄢白一地也

展而不信解展誠也誠謂復言非忠信之道愛而不仁

解外愛人內無仁心也許而不知解以詐行謀而非知

道也知人不詐毅而不勇解毅果也直而不衷解衷中

也君子惡許以爲直者周而不淑解周密也淑善也復

也君子惡許以爲直者周而不淑解周密也淑善也復

言而不謀身展也解復言言可復不欺人也不謀身不

計身害也愛而不謀長不仁也解外愛人不計終身也

以謀益人詐也解益掩也彊忍犯義毅也解彊彊力忍

忍忍犯義也直而不顧不衷也解不顧隱諱周言棄德

不淑也解取周其言而不以德是六德者皆有其華而

不實者將焉用之彼其父爲戮於楚其心又狷而不潔

解狷者直己之志不從人也不潔非潔行也若其狷也

不忘舊怨而不以潔懷德解懷改也思報怨而已則其

愛也足以得人其展也足以復之解復復其前言也其

詐也足以謀之其直也足以帥之解帥帥衆也其周也

足以蓋之解言其周密足以覆蓋其惡也其不潔也是以行之而加之以不仁奉之以不義蔑不克矣夫造勝之怨者皆不在矣解怨謂譖太子費無極之徒若來而無寵速其怒也解速疾也若其寵之殺貪而無厭旣而得入而曜之以大利解曜示也不仁以長之解長其利欲思舊怨以修其心解修其報讎之心苟國有讐必不居矣解讐隙也非子職之其誰乎解職主也言子西將主此禍彼將思舊怨而欲大寵解大寵令尹司馬也動而得人解愛故得人怨而有術解父死而怨故有術也若果用之害可待也余愛子與司馬故不敢不言解司

馬子西之弟子期子西曰德其忘怨乎解言緩之以德

必忘怨也余善之夫乃其解甯安也子高曰不然吾

聞之曰唯仁者可好也可惡也可高也可下也好之不

偏惡之不怨高之不驕下之不懼不仁者則不然人好

之則偏惡之則怨高之則驕下之則懼驕有欲焉解欲

專寵也懼有惡焉解惡其上也欲惡怨偏所以生詐謀

也子將若何若召而下之將戚而懼爲之上者將怒而

怨詐謀之心無所靖矣解靖安也有一不義猶敗國家

今壹五六疏今壹五六○昭二十年傳若琴瑟之專一

楊倞注解當爲屏卻也則五六爲惡人之目六卽上華而不實之六德五卽所謂速怒無厭矜利不仁思怨也

而必欲用之不亦難乎吾聞國家將敗必用姦人而嗜
其疾味其子之謂乎解嗜貪也疾味味爲己生疾喻好
不善也夫誰無疾解青猶災也能者蚤除之舊怨滅
宗國之疾膏也爲之關籥蕃籬而遠備閑之猶恐其至
也解蕃籬墜落也閑闕也是之爲日惕解惕懼也若召
而近之死無日矣人有言曰狼子野心怨賊之人其父
可善乎若子不我信盍求若敖氏與子干子皙之族而
近之解若敖氏莊王所滅鬬椒也子干子皙蒍王庶子
公子比公子黑肱也平王所殺而代之何獨不召而近
也安用勝也其能幾何解言危不久昔齊驕馬繻以胡

公入於貝水解騶馬繻齊大夫也胡公齊太公元孫之

子胡公靖也貝水水名胡公虐馬繻馬繻殺胡公內之

貝水疏昔齊至貝水○齊世家太公卒子丁公攸立卒

立周烹哀公而立其弟靜是為胡公是胡公為太公元

孫非元孫之也貝天聖本及宋公序本並作貝史記

索隱亦作貝齊世家言哀公時紀侯譖之周周烹哀公

而立胡公哀公之同母弟少弟山怨胡公乃與其黨營正

人襲攻殺胡公而自立是為獻公索隱引宋衷曰其黨

騶馬繻入將胡公於貝水殺之齡案貝水水經謂出樂

浪鏤方縣東南過臨貝縣水殺之齡案貝水水經謂出樂

沮水西至朝鮮朝鮮故其子國也其地今高句驪之國

治余訪蕃使言城在沮水之陽故漢地理志曰沮水至

增地縣入海據鄆氏此言則沮水經齊遼遠騶馬繻何

能挾胡公至千餘里外而殺之乎世家言帥營正人攻

之則其所納之水必在國都之側水經言巨洋水出朱

虛縣泰山北鄆注泰山即東小泰山也巨洋水即國語

所謂具水又言巨洋水又東逕臨朐縣故城東臧古伯

氏駢邑也其水實近齊都矣可知北魏以前國語本作
具其後謠具為貝司馬貞不考其謠而轉据國語之貝
水以釋史記也當據鄭氏巨洋水注作為正邴歆閹職戕懿公於固竹解戕

殘也歆職皆齊臣懿公齊桓公之子商人也為公子時
與邴歆之父爭田弗勝及即位乃擲而刑之而使歆僕
納閹職之妻而使職驂乘魯文公十八年懿公游于申

池二人殺公而納之竹中疏邴歆閹職○邴歆齊世家

注御僕也閹職齊世家作庸職司馬貞謂庸作姓蓋謂

受雇職之妻史意不同字亦異耳輪案錢大昕曰古書

庸與閹通尚書毋若火始餓餓漢書引作庸庸則庸即

閹小司馬之說非也○解戕殘至竹中○戕殘也者宣

十六年公羊傳戕郕子于郕者戕賊而殺之也何休注

支解節斷之故變殺言戕穀梁傳戕猶殘也稅殺也范

甯注稅謂捶打殘賊而殺之蓋歆職以技撞擊殺之而

刳割其尸故易藏納也淮南陸形訓申池在海隅高注

海隅數劉達據以注齊都賦案水經淄水注系水出城
西南東北流直申門西京相璠杜預並言申門即齊城
南面西第一門矣為申池昔齊懿公游申池那獸闕職
二人害公於竹中今池無復髣髴然水則尚有小小竹
木以時遺生也左思齊都賦注申池在海濱齊數也余
案春秋襄公十八年晉伐齊戊戌伐雍門之荻已亥焚
雍門王寅焚東北二郭甲辰東侵維南及沂而不言北
掠于海且晉獻子尚不辭死以逞志何容對仇敵而不
懲暴中木於海隅乎又炎夏火流非遠遊之辰懿公見
弑蓋自白龍魚服見困近郊矣杜預之言有推據爾是
鄰注不用

晉長魚矯殺三卻于榭

解

長魚矯晉大夫也

高說也

殺三卻鉞鑿至也鑿與矯爭旧執而桔之與其父母妻
子同一轅既蟬蛻於厲公譖而殺三卻于榭魯圍人孳
殺子般於次**解**圍人養馬者子般魯莊公太子次舍也
雩講于梁氏女公子觀之孳自牆外與之戲子般鞭之

莊公薨子般卽位次于黨氏公子慶父通於夫人夫人欲立之慶父使犖賊子般于黨氏在魯莊三十二年夫

是誰之故也非唯舊怨乎解故事也是皆子所聞也人

之求多聞善敗以鑑戒也今子聞而棄之猶蒙耳也解

蒙覆也吾語子何益吾知逃而已解逃勝之難也子西

笑曰子之尙勝也解子言議論好尙勝人也不從遂使

爲白公子高以疾間居於蔡解蔡故蔡國楚滅之葉公

兼而治焉及白公之亂子西子期死解白公請伐鄭以

報父讎子西旣許之未起師晉伐鄭楚又救之與之盟

白公怒遂作亂殺二子於朝在魯哀十六年疏反白公之亂○

淮南道應訓曰公勝慮亂罷朝而立倒杖策鏐上貫頤
血流至地而弗知也鄭人問之曰頤之忘將何不忘哉
此言亂也葉公聞之曰吾怨其棄吾言而德其治楚國楚
國之能平均以復先王之業者夫子也解夫子于西也
以小怨寘大德變不義也將入殺之解殺白公也帥方
城之外以入殺白公而定王室解定王室謂兼令尹司
馬以平楚國也既定乃使子西之子甯爲令尹子期之
子寬爲司馬而老於葉疏帥方至王室○呂氏春秋精
與微言乎孔子不應白公曰若以石投水奚若孔子曰
沒人能取之白公曰若以水投水奚若孔子曰淄澠之
令者易牙嘗而知之白公曰然則人不可與微言乎孔
子曰胡爲不可唯知言之謂者爲可耳白公弗得也此
白公所以死於法室高注子高率方城之外衆攻白公
九日而殺之法室法室司寇也一日浴室澡浴之室按

此與內傳芥山而繼其徒微
之不合皆傳聞之異辭也
葬二子之族解子期子西
之族多見害故皆爲葬之

國語正義卷第十八終

國語正義卷第十九

歸安董增齡撰集

吳語

吳王夫差起師伐越越王句踐起師逆之江

[解]夫差泰

伯之後闔閭之子姬姓也句踐祝融之後允常之子芊

姓也鄭語曰芊姓夔越世本亦云越芊姓也魯定十四

年吳伐越越敗之於檣李闔閭傷而死後三年夫差伐

越報檣李也越逆之江至于五湖吳人大敗之於夫椒

遂入越越子以甲楯五千保於會稽在魯哀元年

[疏]

吳

至之江○吳世家泰伯至壽夢十九世壽夢卒長子諸樊攝行事當國諸樊卒有命授弟餘祭卒弟餘昧立卒

立餘昧子僚爲王公子光者諸樊之子弑王僚立爲王
闔閭差悉精兵以伐越吳王病傷而死使太子夫差二年
夫差之苗裔少康庶子也封於會稽以奉禹祀其先
禹之餘世至於允常卒子句踐立按偁三十年傳杞郕二
事相之世不饗于此久矣越果少康之後亦應數及可知
越非姬姓故韋據鄭語及世本釋爲芋姓也江浙江也
說文非江姓故韋據鄭語及世本釋爲芋姓也江浙江也
志石城下水注云會稽山陰爲浙江史記晉灼注同漢地
經同案分江陰與浙江合流故許慎晉灼注分江也但分
江爲浙山陰與浙江合流故許慎晉灼注分江也但分
陰爲浙山陰與浙江合流故許慎晉灼注分江也但分
都北過餘杭東入海胡渭謂杭字爲姚漸江水出三天子
注山海經謂之浙江漢地理志水出丹陽縣南蠻道中
以今地名言之浙縣隸今安徽徽州府丹陽縣南蠻道中
東經歙縣浙安建德桐廬分水富陽錢唐蕭山餘姚而入
海沈錡曰浙江至蕭山境浦江東北來注之又東分江入
水東南來會合流又東浦陽江東北來注之又東分江入
姚入海齡案浙江莊子謂之浙河酈道元謂永建中陽
義周嘉上書以縣遠赴會至難求得分置遂以浙中陽

爲吳以東爲會稽此浙江卽今錢唐江之明證蓋錢唐
爲西漢舊縣自許郡議曹華信家輸錢江封臣吳常
遂以爲名水經注又言句踐臣吳吳王封臣吳常
之地東至炭竈西至朱室兩地並濱浙江臣吳常在
稽求成之後是浙江以西盡爲吳有蓋吳王志在
突入越地而句踐逆之浙江吳越戰地也○解夫至元
也○漢地理志會稽郡由拳吳越戰地也○解夫至元
其地當在今嘉興縣南境袁元名夫椒山據此二家
南太湖中椒山通典包山一名夫椒山據此二家
今蘇州府吳縣西南司馬貞曰太湖中椒山非戰所
夫椒與椒不離吳境近且夫差以報越爲志又伐越
越地乃不離吳境近且夫差以報越爲志又伐越當
司馬貞已不信之矣水經太湖中是夫椒在太湖中
之處上王大吳王村小吳王村並是閭閻夫差伐越
非必定是王爲吳所敗以五千餘衆棲于稽山齡案
稍不遠必不遠在太湖中故服虔左傳注夫椒越地
深合傳義漢地理志會稽郡山陰會稽山在南越王
踐本國水經漸水注會稽之山古防山也亦謂之茅山

又曰棟山越絕書云棟猶鎮也蓋周禮所謂揚州之鎮
矣在今浙江紹興府會稽縣東南十二里齡又案夫椒
兵敗乃魯哀元年事是時越兵五千保棲會稽皆散亡
之餘卒不得言起師且敗之夫椒明先戰後敗矣與
此章之不戰求成不合况吳伐齊戰于艾陵在魯哀十
一年夫椒蚤於艾陵十年不應夫差此時已有伐齊之
志哀元年行成使大夫種此章乃使諸稽郢人亦不同
郢言越國得皇于天王明指鵠李之事又言心孤句踐
而又宥赦之明指哀元年三月越及吳平之事且郢言
前盟口血未乾明指會稽許成之盟則此章之伐越當
在魯哀八九年之間非哀元年會稽求成之事也不告
於魯故春秋及內傳皆不見其事章引哀元年會稽事
以釋此章之伐越義可疑焉章又言越逆之江至於五
湖吳人敗之夫椒五湖即太湖遠在浙江之北越果兵
敗則應退而南不應反進而北始誤
種越大夫獻進也疏官種名一大夫云越世家索隱大夫
種越大夫獻進也疏官種名一大夫云越世家索隱大夫
之比非也伍子胥傳索隱今吳南有文種球則種姓父
爲大夫官也錢大昕曰文種呂氏春秋當染箒高注楚

之鄒人尊師篇高注楚鄒人但鄒爲越地鄒爲魯地與
楚皆不相涉及讀太平寰宇記敘荊州人物云文種南
鄒人乃悟呂覽注本是鄒字又張守節注史記引吳越
春秋大夫種姓文字子禽荆平王時爲宛令至三戶之
里范蠡從大寶躡而吠之從吏恐文種慙令入引衣而
鄒之是種曾爲宛令因范蠡要之乃棄楚適越其爲楚
人非越人信而有徵會稽典錄載虞翻朱育所說會稽
先賢未有一言及文種乾道四明圖經寶慶四明志初
不列入人物全祖望曰越絕書外傳范蠡始居楚大夫
種入其縣得蠡大說相要而往偕至于吳吳任子胥於
是去吳之越又曰范蠡要種入越越大夫石買曰客歷
諸侯渡河津無由自致始非眞賢然則種非鄒人矣
案吳越春秋文種者本楚南鄒曰夫吳之與越唯天所
人姓文字少禽全氏錢氏說是

授王其無庸戰解庸用也夫申胥華登簡服吳國之士

於甲兵而未嘗有所挫也解申胥楚大夫伍奢之子子

胥也名員魯昭二十年奢誅於楚員奔吳吳子與之申

地故曰申胥華登宋司馬華費遂之子也華氏作亂于

宋而敗登奔吳爲大夫簡習也挫毀折也疏申胥華登

秋異寶篇五員亡荆急求之登太行而望鄭曰是國也

地險而民多知其主俗主也不足以舉去鄭而之許見

許公而問所之許公不應東南嚮而唾五員載拜受賜

曰知所之矣因如吳至江上欲涉見一丈人刺小船方

將漁從而請焉丈人度之絕江解其劍以予丈人曰此

千金之劍也丈人不肯受曰荆國之法得五員者爵執

圭祿萬擔金千鎰昔者子胥過吾猶不取今我何以子

之千金劍爲乎子胥過於吳使人求之江上則不能得

每食必祭之祝曰江上之丈人韓非說林篇子胥出走

邊候得之子胥曰上索我者以我有美珠也今我已亡

之我且曰子取吞之候因釋之史記范雎傳伍子胥棄

載而出昭關夜行晝伏至於陵水無以餬其口膝行蒲

伏稽首肉袒鼓腹吹篪乞食於吳市卒與夫一人善射

吳國闔閭爲伯華登事見昭二十年內傳夫一人善射

百夫決拾解決鉤弦也拾捍也申胥華登善川兵衆必

化之猶一人善射而百夫競簪決拾而放之

疏解決鉤弦拾捍

○決以象骨著右手巨指所以鉤弦拾捍著左臂也史記蘇秦傳革抉索隱謂以革爲射決則決亦有用革

者勝未可成解成猶必也夫謀必素見成事焉而後履

之解素猶豫也履行也不可以授命解授命猶鬪命也

王不如設戎約辭行成以喜其民解戎兵也約卑也成

平也言不如設兵自守卑約其辭以求平于吳吳民必

喜以廣侈吳王之心解侈大也吾以卜之於天天若棄

吳必許吾成而不吾足也解言越不足畏也將必寬然

有伯諸侯之心焉解寬緩也旣罷弊其民而天奪之食

安受其燼解奪之食稻蟹之屬也燼餘也疏

解燼餘○燼餘方言

文成二年傳杜注燼火之餘木穀
梁傳疏樵燭既燒之餘名曰燼
乃無有命矣解吳無

復有天命矣越王許諾乃命諸稽郢行成於吳解諸稽

郢越大夫疏諸稽郢○鄭語彭姓豕韋諸稽則郢蓋

邑為魯氏之例則曰寡君句踐使下臣郢不敢顯然布

幣行禮解布陳也幣玉帛也顯猶公露也敢私告於下

執事曰昔者越國見禍得罪于天王解見禍於天得罪

謂傷闔閭也言天王尊之以名疏得罪於天王○隱三

春秋三家訓詁畿內稱王諸夏稱天王逸周書王了晉

解善至于四海曰天子達於四荒曰天王是天王更上

尊之以名也天王親趨玉趾以心孤句踐解趾足也孤

棄也而又宥赦之解宥寬也君王之於越也繫起死人

而肉白骨也解緊是也使白骨生肉德至厚也孤不敢

忘天災其敢忘君王之大賜乎今句踐申禍無良解申

重也良善也草鄙之人敢忘天王之大德而思邊垂之

小怨解遠邑稱鄙言吳侵越之邊垂心懷怨恨也以重

得罪於下執事解重得罪謂報見侵也句踐用帥二三

之老解家臣稱老言此謙也親委重罪頓顙於邊解委

猶歸也邊邊境也疏頓顙於邊○顙王篇顙也儀禮士

客周禮大祝辨九擗二曰頓顙首注拜頭叩地六曰凶擗

注積顙而后拜謂三年服者傷六年楚子克許許男面

縛銜璧大夫衰經士與觀以見楚子蓋古者歸命乞降
多也今君王不察盛怒屬兵將殘伐越國解察理也屬會

也殘伐謂隳會稽也越國固貢獻之邑也君王不以鞭

箠使之而辱軍士使寇令焉解若禦寇之號令疏至使

之○舜典鞭作官刑蓋木末垂革故周禮司市疏自繫

其竹也末薄半寸皆句踐請盟一介嫡女執箕箒以賅

姓於王宮解一介一人賅備也姓庶姓也曲禮曰納女

於天子曰備百姓疏一介至王宮○說文箕箒也箒糞

婦人所執也管子弟子職執箕箒搗厥中有帚禮少儀

疏箕是去物之具賤者執之曲禮於大夫曰備婦酒注

納女猶致女也酒漿局酒賤婦人之職又曲禮注姓之

皆指子孫之得姓者而言故說文姓太廟之內戒百姓也

生昭四年傳問其姓對曰余子長矣漢書田蚡傳跪起

如子姓顏一介嫡男奉槃匱以隨諸御解槃承盟器也

注姓生也

晉語曰奉區沃盟御近臣宜豎之屬疏○解繫承至沃盟

少者奉繫注繫承盟水者韋解本此一本作春秋貢獻

不解於王府天王豈辱裁之解豈能辱意裁制也亦征

諸侯之禮也解征稅也此亦天子征稅諸侯之禮夫諺

曰狐狸埋之而狐搯之是以無成功解埋藏也搯發也疏

解指發○哀二十五年傳掘褚師定子之墓玉篇引作

掘云掘也呂氏春秋非淺則狐狸相之高注相讀曰掘

荀子正論篇注扣今天王既封殖越國以明聞於天下

解封殖以少木喻也解本曰封殖立也明顯也聞於天

下言天下備聞也而又刈亡之是天王之無成勞也解

芟刈曰刈勞功也雖四方之諸侯則何實以事吳解實

實事也敢使下臣盡辭唯天王秉利度義焉解秉執也義宜也

吳王夫差乃告諸大夫曰孤將有大志於齊解欲伐齊也吾將許越成而無拂吾慮解拂絕也若越既改吾又何求若其不改反行吾振旅焉解伐齊反振旅而討之申胥諫曰不可許也夫越非實忠心好吳也又非懼畏我甲兵之強也大夫種勇而善謀將還玩吳國於股掌之上以得其志解還轉也玩弄也脛本日股夫固知君王之蓋威以好勝也解蓋猶尙也故婉約其辭以從逸王志解婉順也約卑也從隨也使淫樂於諸夏之國以

自傷也使吾甲兵鈍弊民人離落而日以憔悴解離畔

也落殂也憔悴瘦病也然後安受吾燼夫越王好信以

愛民四方歸之年穀時熟日長炎炎解炎炎進貌及吾

猶可以戰也爲虺勿摧爲蛇將若何解虺小蛇大也傳

曰封豕長蛇疏首大如擘郭注身廣三寸頭大如人擘

指此自一種蛇名爲蛇虺案趙岐孟子注云巨擘大指

也釋文引三食解詁云擘大指也是郭意以虺爲土虺

而非鼻上有鍼大者重百餘斤之虺也顏師古漢書注

以今俗名證之郭注得矣虺若土色所在有之俗呼土

虺應劭漢書注虺蟲也蓋虺在蛇類吳王曰大夫奚

中爲最小故與騰蛇奔蛇之等對言之

隆於越解奚何也隆盛也越曾足以爲大虞乎解虞度

也若無越則吾何以春秋曜吾軍士乃許之成將盟越

王又使諸稽郢辭曰以盟爲有益乎前盟口血未乾

解

未乾喻近也

疏

前盟口血未乾○史記平原君傳毛遂曰從定乎楚王曰定矣毛遂謂楚王之

左右曰取雞狗馬之血來毛遂奉銅盤而跪進之楚王曰王當歃血而定從次者吾君次者遂遂定從於殿上

是染指于血也足以結信矣以盟爲無益乎君王舍甲兵

之威以臨使之而胡重於鬼神而自輕也吳王乃許之

荒成不盟

解

荒空也

吳王夫差旣許越成乃大戒師徒將以伐齊申胥進諫

曰昔天以越賜吳而王弗受夫天命有反

解

反謂盛者

更衰禍者有福今越王句踐恐懼而改其謀舍其愆令

解舍廢也愆過也輕其征賦施民所善去民所惡身自

約也裕其衆庶解裕饒也其民殷衆解殷盛也以多甲
兵譬越之在吳也猶人之有腹心之疾也夫越王之不
忘敗吳於其心也戚然服士以司吾間解戚猶惕也間
隙也今王非越是圖而齊魯以爲憂夫齊魯譬諸疾疥
癬也解疥癬在外爲害微也豈能涉江淮而與我爭此
地哉將必越實有吳士解壤地接而越修德也王盍亦
鑑於人無鑑於水解鑑鏡也以人爲鏡見成敗以水爲
鏡見形而已書曰人無于水鑑當于民鑑昔楚靈王不
君解不得爲君之道其臣箴諫以不入解入受也乃築
臺於章華之上解章華地名闕爲石郭陂漢以象帝舜

解闕穿也陂壅也舜葬九嶷其山體水旋其正下故壅

漢水使旋石郭以象之疏闕爲主帝舜○水經河水注

東七十五里國語所謂楚靈王闕爲石郭陂漢以象舜

者也湖側有章華臺高十丈基廣十五丈此瀆靈王立

運所由也罷弊楚國以閒陳蔡解閒候也候其隙而取

之魯昭八年滅陳十一年滅蔡不修方城之內解方城

楚北山踰諸夏而圖東國解諸夏陳蔡也東國徐夷吳

越也三歲於沮汾以服吳越解沮汾水名楚東鄙沮汾

之間乾谿也魯昭六年楚令尹子蕩帥師伐吳師於豫

章次於乾谿疏解沮汾至乾谿○漢地理志南郡臨沮

師古曰沮水卽左傳所云江漢沮漳楚之望也襄十八

年傳子庚治兵于汾杜注襄城東北有汾正城乾谿楚

詔解其民不忍饑勞之殃三軍叛王於乾谿〔解〕殃害也

民罷國亂中外叛潰事在魯昭十三年王親獨行屏營

傍惶於山林之中〔疏〕屏營傍惶○廣雅屏營怔忡也

得三日乃見其涓人嘯〔解〕涓人今中涓也嘯名也〔疏〕涓

人今中涓○曹相國世家集解引徐廣曰中涓如中謁

者亦曰涓人顏師古漢書注云涓潔也主潔除之人也

王呼之曰余不食三日矣嘯趨而進王枕其股以寢於

地王寐嘯枕王以撲而去之〔解〕撲塊也王覺而無見也

乃匍匐將入棘閣棘閣不納〔解〕棘楚邑也關門也〔疏〕棘

楚邑關門○昭十三年傳杜注棘里名孔疏引孔晃國

語注棘楚邑關門也是晃即用章義襄二十六年傳杜

注棘楚邑譙國鄆縣東北有棘乃入芊尹申亥氏焉〔解〕

亭今在河南歸德府永城縣內

中亥楚大夫芊尹無字之子也傳曰王淞夏將入鄢芊
尹無字之子申亥曰吾父再干王命而弗誅惠孰大焉
乃求王遇之棘闢王縊申亥負王以歸而土埋之其室
解傳曰王縊申亥以其二女殉而葬之此志也豈遽忘
于諸侯之耳乎解志記也言此事皆見記于諸侯之耳
而末忘也今王既變鯀禹之功解王夫差也變易也魯
語曰禹能以德修鯀之功而高高下下以罷民於姑蘇

解高高起臺榭下下深汙池也姑蘇臺名在吳西近湖

疏解姑蘇至近湖○漢書伍被傳子胥諫吳王曰臣今

見麋鹿游姑蘇之臺張晏注吳臺名顏師古注吳地
記云因山爲名西南去國三十五里文選吳都賦劉淵
休注姑蘇吳臺名李善注越絕書曰吳王起姑胥之臺

五年乃成高見三百里姑胥卽姑蘇也韓非子外儲說越伐吳乃先宣言曰我聞吳王築如皇之臺掘深池罷苦百姓煎靡財貨以盡民力余來爲民誅之則姑蘇臺一名如皇也天奪吾食都鄙荐饑

解天奪吾食稻蟹也都國也鄙邊邑也荐重也今王將

很天而伐齊

解

很違也夫吳民離矣

解

有離畔也體有

所傾譬如羣獸然一个負矢將百羣皆奔解傾傷也言

衆獸羣聚其中一个被矢則百羣皆走以言吳民臨陳

就戰或小有傾傷亦復然也王其無方收也

解

方道也

收還也越人必來襲我王雖悔之其猶有及乎王弗聽

十二年遂伐齊

解

夫差十二年魯哀之十一年齊人與

戰於艾陵

解

艾陵齊地

疏

解艾陵齊地○史記伍子胥傳正義括地志云艾山在兗

州博城縣南百六十里本齊博邑淮南繆稱齊師敗績
訓及陵之戰也夫差曰夷聲陽句吳其庶乎齊師敗績
吳人有功解傳曰獲國書革車八百乘甲首三千

吳王夫差既勝齊人於艾陵乃使行人奚斯釋言於齊

解奚斯吳大夫釋解也以言辭自解歸非於齊曰寡人

帥不腆吳國之役避汶之上解役兵也汶齊水名疏汶

齊水名○水經汶水出泰山萊蕪縣原山西南入濟東

汶水出朱虛縣泰山入濰縣注又有北汶水合於入濟

之汶周炳中曰齊有三汶入濟者大齡案是役魯會吳

伐齊必道吳自魯入齊此入濟之汶在齊南魯北西貢

達濟者也不敢左右唯好之故解不敢左右暴掠齊民

唯有恩好之故也今大夫國子與其眾庶以犯獵吳國

之師徒解國子齊卿國書也犯陵也獵震也天若不知

有學何以使下國勝解下國吳自謂也言天若不知有
舉何以使吳國勝齊也

吳王還自伐齊乃訊申胥解訊告讓也曰昔吾先王體

德聖明達於上帝解先王闔閭也上帝天也譬如農夫

作耦以刈殺四方之蓬蒿解二耜爲耦言子胥佐先王

其猶耕者之有耦以成其事也以立名於荆此則大夫

之力也解立名於荆謂敗楚于柏舉昭王奔隨時也今

大夫老而又不自安恬逸解恬猶靜也逸樂也而處於

念惡解處居也居則念爲惡于吳國出則罪吾衆解罪

吾衆謂吳民離矣體有所傾之屬撓亂百度解撓擾也

度法也以妖孽吳國解妄為妖言越當襲吳也疏以妖

國○說文衣服謂諸少木之怪謂之妖禽獸蟲蝗之怪

謂之孽大戴禮保傅篇曰深為計者謂之妖言盧辯注

伊尹諫夏桀桀笑曰子為妖言矣莊辛諫襄王襄王

曰先生為楚國妖與益比子胥之言於妖孽也今天

降衷於吳解衷善也齊師受服孤豈敢自多先王之鐘

鼓實式靈之解式用也靈神也敢告於大夫申胥釋劍

而對解釋解也曰昔吾先王世有輔弼之臣解言闔閭

以前以能遂疑計惡解遂決也計慮也以不陷於大難

今王播棄黎老解播放也黎凍黎壽微也疏播棄黎老

伐北鄙謂耆為黎孫炎爾雅注面凍黎色似浮垢也而

郭璞爾雅注黎面色似黎也說文老考也七十曰老而

孩童焉比謀解孩幼也比合也曰余令而不違解不違

言莫違也夫不違乃違也解乃違道也夫不違亡之階

也夫天之所棄必驟近其小喜解小喜勝敵之喜謂有

所克定也而遠其大憂解大憂在後故違也王若不得

志於齊而以覺寤王心吳國猶世解世繼世也吾先君

之得也必有以取之解得謂克楚也傳曰閭閻食不二

味勤卹其民取之謂此也其亡之也亦有以棄之解亡

之謂不正其師以班處宮復爲楚所敗也用能援持盈

以沒解盈滿也沒終也而驟救傾於時解以時不失時

也今王無以取之解言無政德而天祿亟至解亟數也

是吳命之短也疏是吳命之短○呂氏春秋適威篇魏

武侯問李克曰吳所以亡者何也對

曰驟戰則民罷驟勝則主驕驕則恣恣則極物罷則怨
怨則極慮上下俱極吳之亡猶晚此夫差所以自沒於
干隧也是員不忍稱疾辟易以見王之親為越之禽也
其事也

員請先死解辟易狂疾將死曰而懸吾目於東門以見

越之入吳國之亡也疏將死至之亡○史記伍子胥傳

葑門鱸鮓隨濤入故以名門顧野王云鮓魚一名江豚
欲風則涌吳世家正義吳俗傳云子胥亡後越從松江

北開渠至橫山東北築城伐吳子胥乃與越軍夢令從
東南入破吳越王即移向三江口岸立壇殺白馬祭子

胥杯動酒盡越乃開渠子胥作溝壑羅城東開入滅遂
吳至今猶號曰示浦門曰鱸鮓是從東門入滅吳也

自殺疏遂自殺○漢書蒯伍江息夫傳贊應劭注吳將
伐齊子胥諫之宰嚭曰伍胥自以先王謀臣心

常怏怏臨事沮大衆冀國之敗夫差王慍曰孤不使大
大怒賜之屬鏤之劍其明年越滅吳

夫得有見也乃使取申胥之尸盛以鴟夷而投之於江

解 鳴夷革璽疏

盛以鳴夷。○史記魯鄒列傳索隱引韋

櫛也。又引服虔云：用馬革作璽，以裏尸投之於江。漢書

鄒陽傳：應劭注：取馬革爲鳴夷。櫛形，顏師古注：鳴夷，卽

今之盛酒。鳴夷，勝荀子成相篇：子胥進諫，不聽，到而獨

鹿棄之。江楊注：盛以璽麗棄之。江也。賈云：璽麗，小器也。

荀子：宥坐篇：伍子胥不磔姑蘇東門外。平楊注：磔，車裂

也。荀子：所記傳聞，吳辭耳。文選：吳都賦：李善注：越絕書

曰：子胥死，王使捐於大江口，乃發，債馳騰。

氣若奔馬，乃歸神。大海蓋子胥水仙也。

吳王夫差既殺申胥，不稔於歲。

解 稔，孰也。謂後年不至

於孰而北征也。夫差於哀十一年殺子胥，十二年會魯

于橐皋，乃起師北征，闕爲深溝於商魯之間。

解 闕，穿也。

商宋也。

疏

禹時江淮未通，故揚之貢必由江入海。以達

淮，酒至吳。王夫差掘溝通水，與晉會于黃池。然後江淮

始通。說本蘇傳。今案：溝通江淮，事在左傳哀九年黃池。

之會則在十三年一自江通淮一自淮通濟本二役亦
二地東坡誤合為一齡案胡氏駁之良是左傳杜注黃
池陳畱封正縣南有黃亭近濟水蓋沂水山蓋縣臨樂
山入於泗水水經泗水又屈東南過湖陸縣南鄆注引
地理志曰其水西流至於濟渠濟在湖陸西而左注泗
泗濟合流故地記或言濟人泗泗亦言入濟互受通稱
故有入濟之文戴延之西征記言湖陸之東南有涓涓
水謂是吳王所掘井也以水路求之止有泗川爾蓋北
吳王所掘井也以水路求之止有泗川爾蓋北連沂西
北逕于商魯而接于濟矣吳所浚廣之爾非謂東北受
沂西南注濟也是時天差于魯哀九年既通江淮以爲
漕糧之道至哀十三年乃由廣陵東北出山陽白馬湖
逕山陽城西又東而入淮口出淮而入泗沂復穿宋
魯之境連屬水道有不能容戰艦者闕而廣之浚而深
之以達于封正之濟此因天然之水北屬之沂解沂水
道而加功以其徒役衆盛故云闕之水北屬之沂解沂水
名出泰山蓋南至下邳入泗疏沂水出泰山蓋縣艾山
鄆注引鄆康成云出沂山亦或云臨樂山山有泉俱東
源所導世謂之梓泉北水所發世謂之魚窮泉俱東南

流合成一川水經又言南過琅邪臨沂縣東又南過開

陽縣東又東過襄賁縣東屈從縣南北西流又屈南過

郟縣西又南過長成縣西又西屬之濟解濟宋水也疏

南過下邳縣西南入於泗又東逕封丘縣南又東逕大

梁城北又東逕倉垣城又東逕小黃縣之故城北縣有

黃亭故濟又謂之黃溝漢地理志傳璣注黃池今陳畱

外黃有黃溝是也水經又言濟水又東過湖陸縣南東

入于泗水又東南過沛縣東北又東南過西縣北又東

過彭城縣北又東南過徐縣北又東至下邳睢陵縣南

入於淮陰案自睢陵之西北至上至武父之東南率皆宋

境故曰宋水魯在齊南宋在魯南濟與淮泗會合于宋

吳師逆流而攻齊也以會晉公午於黃池解黃池地名晉

公午晉定公也黃池事在魯哀十三年疏解黃池至三

理志魏郡內黃應劭注吳子晉侯會於黃池今陳畱外黃澤在

西顏師古曰應說失之博贊曰黃池今陳畱外黃有黃

溝是也史記伐宋取黃池則不得在魏郡明矣故陳畱

郡外黃下傳贊注縣有黃溝故氏之顏師古曰左傳惠

公敗宋師於黃杜預以為外黃縣東有黃城此地是也
哀十三年公羊傳何注時吳疆而無道敗齊臨菑大會
中國齊晉前驅魯衛驂乘於是越王句踐乃命范蠡舌
膝辟夾載而趨是其事也

庸解二子越大夫率師沿海沂淮以絕吳路解沿順也

逆流而上曰沂循海而逆入於淮以絕吳王還歸之路

疏解於江海順至之路○沿順也逆流而上曰沿沿江入海自

海入淮正義文十年左傳沿漢沂江沂是逆沿是順沿

江入海順也自海入淮逆也胡渭曰揚之貢道自常熟

縣北之大江順流而下至太倉州北七鴉浦入海而東

北經通州東又北經如皋興化鹽城北七鴉浦入海而西入

淮口沂流而上自江口以至淮口汎海不過六七百里

又引陳大猷曰循行水涯曰沿水之險者莫如江海遇

風多沿岸而行所以獨言沿不言浮以著其阻險也歸

案此說與舊說異然胡渭謂沿對沂言明是順逆之辭

知章解為敗王子友於姑熊夷解姑熊夷吳郊也王子

諦當言也

友夫差太子也夫差未反越子伐吳吳距之獲太子友

越王句踐乃率中軍沂江解江吳江也或有淮字誤耳

疏解江吳至誤耳○江吳江也者言吳國之江非以吳

州東南三十里名三江水口一江西南上七十里至太湖

名曰松江一江東北下三百餘里入海名曰下江亦曰

江句踐令二帥沿海沂淮距夫差于吳之北境而身率

中軍航海而達婁江自南及北以搗吳之國都蓋海口

離國都止三百餘里故乘虛而攻其不備也今蘇州府

吳江縣境唐以前謂之松江吳越王錢以襲吳入其郛

氏有國時始立爲縣未可據以釋傳也

解郭郭也焚其姑蘇徙其大舟解大舟王舟徙取也疏

解大舟王舟○昭十七年傳楚司馬子魚大敗吳師獲

其乘舟餘皇吳公子光曰喪先王之乘舟則王舟卽餘

皇文選吳都賦所謂吳晉爭長未成解長先也成定也

邊遠乃至以越亂告〔解〕遠傳也吳王懼乃合大夫而謀

曰越爲不道背其齊盟〔解〕齊同也今吾道路悠遠〔解〕悠

長也無會而歸與會而先晉孰利〔解〕先晉令晉先歃王

孫雄曰夫危事不齒〔解〕王孫雄吳大夫也齒年也不以

年次對〔疏〕〔解〕王孫雄吳大夫○呂氏春秋當染篇夫差

越世家作公孫雄〔解〕集〔解〕引虞翻曰雄敢先對二者莫利

公孫雄吳大夫雄一本作雒非雄敢先對二者莫利

無會而歸越問章矣民懼而走遠無正就〔解〕正適也齊

宋徐夷曰吳既敗矣〔解〕宋今睢陽徐今大徐夷淮夷也

〔疏〕齊宋徐夷○宋鄭語已〔解〕訖徐假王爲周所滅後封

徐城僖十年傳杜子僖三年傳杜注下邳僮縣東南有大

注淮夷魯東夷將夾溝而廢我〔解〕旁擊曰廢〔疏〕將夾

至廢

我○說文引作俠溝而廢我廢廣也我無生命矣會而先晉晉既執諸侯

之柄以臨我將成其志以見天子解以侯伯之禮見天

子也吾須之不能解不能待見天子去之不忍若越聞

俞章解俞益也吾民恐畔必會而先之解先使吳先歆

也王乃步就王孫雄曰先之圖之將若何王孫雄曰王

其無疑吾道路悠遠必無有二命焉可以濟事解欲決

一計求先晉也濟成也王孫雄進顧揖諸大夫曰危事

不可以爲安死事不可以爲生則無爲貴知矣解言人

不能以危易安以死易生則何貴於知矣民之惡死而

欲貴富以長沒也與我同解長老也沒終也雖然彼近

其國有遷我絕慮無遷解遷轉退也絕慮道遠也彼豈

能與我行此危事也哉解言晉不能以死與我爭事君

勇謀於此用之解勇而有謀此謂今時今夕必挑戰以

廣民心解挑晉求戰以廣大民心示不懼也請王厲士

以奮其朋勢解朋羣也勉厲士卒以奮激其羣黨之勢

使有鬪心也勸之以高位重畜解重畜寶財備刑戮以

辱其不屬者解備具也令各輕其死彼將不戰而先我

解推先我也我既執諸侯之柄解爲盟主故執柄以歲

之不穫也無有誅焉解穫收也誅責也不責諸侯之貢

賦而先罷之解罷遣諸侯令先歸也諸侯必說解說喜

也既而皆入其地解入其國境王安挺志解挺寬也一

日惕一日解惕疾也解徐也以安步王志解步行也

必設以此民也封於江淮之間乃能至於吳解設許其

勸勉者以此民封之於江淮之間以恐之必速至也疏

封於江淮之間○水經淮水注吳將伐齊自廣陵城東南築邳城城下掘深溝謂之韓江亦曰邳溟溝自江東

北通射陽湖西北至末口吳王許諾

吳王昏乃戒令秣馬食士解秣粟也疏昏○說文昏日冥也爾雅釋詁

昏代也郭注代明也淮南天文訓日至虞淵是謂黃昏至於蒙谷是謂定昏也周官禮司寤氏注日入三刻為

昏儀禮士昏禮注夜中乃令服兵擐甲解夜中夜半也

日入三商為昏服執也擐貫也甲鎧也疏夜中乃令○夜半丙夜也尹文子曰將戰有司讀誥誓三

令五申之既畢然後即敵是令在戰之前也 係馬舌出火竈解係縛也縛馬

舌恐有聲也出火於竈外以自燭也疏解出火至自燭

燃炷竈也疏引舍人爾雅注烘以火燎也郭璞爾雅注

今之三隅竈然則炷者無釜之竈其上燃火謂之烘本

謂此竈上亦燃火照物若今陳士卒百人以為徹行百

之火鑑也案吳軍用此制行解徹通也以百人通為一行百行為萬人謂之方陳

疏陳士至徹行○史記張馮列傳索行頭皆官師拱稽引賈逵國語注百人為一隊也行頭皆官師

拱稽解三君皆云官師大夫也昭謂下言士行一變大

夫此一行宜為士周禮百人為卒卒長皆上士擲抱也

拱執也抱鐸亦恐有聲也唐尚書云稽檠戟也鄭後司

農以為稽計兵名籍也周禮聽師徒以簡稽疏解三君至簡籍

○史記張馮列傳索隱引作行頭皆官師裴駟又引晉灼云百人為徹行亦皆師將也一本作帥非祭法適士二官師一則官師中下士也與周禮卒長皆士異制也稽猶計也合也鄭司農云簡稽士卒兵器簿書簡猶閱之要簿也稽之為戰經傳無文故韋用鄭義也建肥

胡奉文犀之渠解肥胡福也文犀之渠謂楯也文犀犀

之有文理者疏解肥胡至文理○文選吳都賦建祀姑

建祀姑也惠士奇曰左劉所見本為祀姑章所見本為肥胡形聲相似也淮南汜論訓高注引作奉文渠之甲

渠甲名文選鮑照擬古詩解佩囊犀渠李周翰注犀渠甲也齡案甲衣於身故曰襲若楯則當言建況犀甲掌

之函人宏嗣以渠為十行一變大夫解十行千人變下楯以諸家異義矣

大夫也子產謂子南曰子皙上大夫女嬖大夫建旌提

鼓解析羽為旌提挈也挾經秉枹解在腋曰挾經兵書

也秉執也

[疏]

解在腋至兵書○漢書藝文志兵權謀十

二篇圖十八卷陰陽十六家二百四十九篇兵技巧十

三家百九十九篇范蠡二篇大夫種二篇在權謀家中

漢書甘延壽傳張晏注引范蠡兵法春秋正義賈逵以

旂爲發石一曰飛石引范蠡兵法以證之所挾皆其類

也

十旌一將軍

[解]

十旌萬人也將軍命卿也載常建鼓

挾經秉枹

[解]

日月爲常鼓晉鼓也周禮將軍執晉鼓建

謂爲之楹而樹之爲萬人以爲方陳

[解]

百行故曰萬人

正四方也皆白常白旂素甲白羽之矜望之如荼

[解]

交

龍爲旂素甲白甲也矜矢名也以白羽爲衛茶茅秀也

[疏]

解矜矢至茅秀○謂侯世家索隱引馬融周禮注矜

者繳繫短矢謂之矜一說矜一弦可以仰射高者茶

茅秀也者爾雅釋小葉茶詩鄭風毛傳茶英茶孔疏

云茶是茅小秀出之地言英茶者英是白貌漢書禮樂

志顏如茶應劭曰野菅白華也顏師古曰菅茅也考工
記鮑人望而砥之欲其茶白也茅秀色白故言白者多
取象焉王親秉鉞載白旗以中陳而立解熊虎爲旗此王

所帥中軍

疏

王親至而立○書牧誓王左杖黃鉞周禮

軍則建大白蓋吳

左軍亦如之

解

亦如中軍載常建鼓

挾經秉枹之屬皆赤常赤旗丹甲朱羽之矐望之如火

解鳥隼爲旗尙赤左陽也丹彤也朱羽染爲朱也右軍

亦如之皆立常立旗黑甲烏羽之矐望之如墨解黑漆

甲也尙黑右陰也爲帶甲三萬解帶甲矐鎧以勢攻雞

鳴乃定旣陳去晉軍一里昧明王乃秉枹親就鳴鐘鼓

丁甯鎗于振鐸解丁甯謂鉦也唐尙書云鎗于鐸非也

鎔于與鐸各異物軍行鳴之與鼓相應也

疏

昧明至振

明也淮南天文訓日登于扶桑爰始將行是謂明

明高注肅明將明也鐘鼓丁甯鎔于鐸晉語解訖

解

怯皆應三軍皆譁鉦以振旅

地晉師大駭不出周軍飭壘

解

周繞也飭治也乃令董

褐請事

解

董褐晉大夫司馬演請問也曰兩君偃兵接

好日中爲期

解

偃匿也接合也今大國越錄

而造於弊邑之軍壘敢請亂故

解

敢問先期亂次之故

吳王親對之曰天子有命周室界約貢獻莫入上帝鬼

神而不可以告

解

言無以告祭於天神人鬼無姬姓之

振也

解

振救也徒遽來告孤日夜相繼

解

徒步也遽傳

車也匍匐就君

疏也匍匐就君○詩谷風鄭箋匍匐盡力也玉篇匍匐伏也手行盡力也史記

范唯傳滕

今君非王室不安平是憂億負晉衆庶不式

諸戎翟楚秦

解億安也負恃也安恃其衆而不用征伐

戎翟楚秦與周者將不長弟以力征一二兄弟之國

弟言幼也言晉不帥長幼之節而征伐同姓兄弟之國

謂魯衛之屬或云謂晉滅虞虢韓魏然虞虢韓魏皆在

春秋之始非所以責定公也孤欲守吾先君之班爵

爵次當爲盟主進則不敢退則不可

解亦不可不及也今會日薄矣解薄迫也恐事之不集

以爲諸侯笑解集成也孤之事君在今日不得事君亦

在今日解言欲戰以決之不勝則服事君若勝則爲盟
主爲使者之無遠也孤用親聽命於藩籬之外解藩籬
壁落也董褐將還王稱左畸曰攝少司馬茲與王士五
人坐於王前解賈唐二君云稱呼也左畸軍左部攝執
也少司馬茲與王士五人皆舉人死士乃皆進自剄於
客前以酬客解賈唐二君云剄剄也酬報也將報客使
死士自剄以示其威行軍士用命也昭謂魯定十四年
吳伐越越王使舉人自剄以誤吳故夫差效之董褐旣
致命解致命于晉君乃告諸趙鞅解趙鞅晉正卿趙簡
子也曰臣觀吳王之色類有大憂解類似也傳曰肉食

者無墨今吳王有墨墨黑氣也小則嬖妾嫡子死不則

國有大難解大難反畔大則越入吳將毒不可與戰解

毒猶暴也言若猛獸被毒悖暴也主其許之先無以待

危解主趙鞅也然而不可徒許也解徒空也不空許謂

有辭義趙鞅許諾晉乃令董褐復命曰寡君未敢觀兵

身見解觀示也使褐復命曰襄君之言解襄向也周室

既卑諸侯失禮於天子解謂不朝貢也請貞於陽卜收

文武之諸侯解貞正也龜曰卜以火發兆故曰陽言吳

欲正陽卜收復文王武王之諸侯以奉天子疏請貞於

春官大卜凡國大貞則眡高作龜鄭司農注貞問也國
有大疑問於著龜康成謂貞之爲問問於正者必先正

之乃從問焉易曰師貞丈人吉賈疏謂正意問龜非謂訓貞爲問也是韋用康成義也故哀十七年傳衛侯貞卜杜注亦云正卜夢之吉凶也春官天府賈疏問卜內曰陰外曰陽言吳以諸侯失禮于天子當問於龜言我當收文武之諸侯矣歸案龜卜未有不以火發兆者不得于此文獨言陽卜且洪範五行地二生火亦不得以火屬陽蓋合諸侯朝天孤以下密邇於天子無所逃罪子爲外事故曰陽卜也孤以下密邇於天子無所逃罪解孤以下晉辭也密比也邇近也訊讓日至解訊告也曰昔吳伯父不失春秋必率諸侯以顧在予一人解此晉述天子告讓之言也同姓元侯曰伯父吳伯父吳之先君也不失四時必率諸侯修朝聘之禮以顧在予一人今伯父有蠻荆之虞禮世不續解今謂天差也虞度也言夫差有蠻荆之僭廢朝聘之禮不得繼世續前人

之職用命孤禮佐周公以見我一二兄弟之國以休君

憂

解休息也周公周之太宰諸侯之師也君有蠻荆之

虞故命晉以禮佐助周公與兄弟之國相見令朝聘天

子息君憂周之憂也今君掩王東海以淫名聞於天子

解

掩蓋也淫猶僭也名號也君有短垣而自踰之**解**垣

者踰禮防雖短不可踰也王室雖卑不可僭也況蠻荆

則何有於周室

解

言吳姬姓而自僭號況於蠻荆有何

憚於周室而不爲乎夫命圭有命固曰吳伯不曰吳王

解

命圭受賜圭之策命周禮伯執躬圭吳本稱伯故曰

吳伯諸侯是以敢辭

解

辭不事吳也夫諸侯無二君而

周無二王君若無界天子以干其不祥解干犯也而曰

吳公孤放不順從君命長弟許諾解長先也弟後也吳

王許諾乃退就幕而會解幕帳也吳公先歃晉侯亞之

疏吳公至亞之○黃池之盟公羊傳及吳世家並言先

左正喪明厥有國語則同出一手不與國語合司馬遷謂

左說據左氏有單平公而不書於經者緣吳晉敵禮而

會如今之賓主對舉酒自然單子無坐位故不書且經

文兩及字是兩伯之義分明也許翰曰先晉先吳兩國

史籍之異詞據翰之說則內傳外傳各據一國之史故

一手而辭異歸案吳世家集解引賈逵曰外傳云吳先

歃晉亞之先敘晉晉有信又所以外吳則先吳是實事

及孔子修春秋尊晉抑吳故先書晉左氏內傳因之趙

陸不考賈景伯之正論而吳王既會越聞愈章恐齊宋

臆造模稜之說不足據也吳王既會越聞愈章恐齊宋

之爲已害也乃命王孫雄先與勇獲帥徒師以爲過賓

於宋以焚其北郭焉而過之解勇獲吳大夫也徒師步

卒也郭郭也託為過賓而焚其郭去其守備使不敢出

吳王夫差既退於黃池乃使王孫苟告勞於周解王孫

苟吳大夫勞功也曰昔者楚人為不道不承共王事以

違我一二兄弟之國解違疏也吾先君闔廬不貲不忍

解貲敕也被甲帶劍挺鉞搢環解挺拔也搢振也疏被

至搢環○鉞說文劍如刀裝者昭二十七年傳夾之以

鉞孔疏鉞是劍之別名則劍與鉞似為一類然哀十一

年傳王賜之劍甲鉞既言劍又言鉞當為二物揚子方

言鉞謂之鉞說文鉞長不也此文既言帶劍不應又言

挺劍矛長故可言挺尙書立爾矛則鉞當為長矛以與
矣環者正字通凡園郭有孔可貫繫者謂之環
楚昭王毒逐於中原柏舉解柏舉之戰在魯定四年毒

暴也中原原中也天舍其衷解衷善也言天舍善於吳

楚師敗績王去其國解昭王奔隨遂至於郢解郢楚都

也疏解郢楚都○漢地理志南郡江陵故楚郢都也楚

郢徙

東王總其百執事解賈侍中云王往也百執事百官

也昭謂王闔閭也賈君以爲告天子不宜稱王故云往

也下言夫概王不避天子故知上王爲闔閭也以奉其

社稷之祭解言修楚祭祀也其父子昆弟不相能夫概

王作亂是以復歸於吳解昆兄也夫概王闔閭之弟也

傳曰夫概王先歸自立故不能定楚而歸今齊侯任不

鑒於楚解任齊景公孫悼公之子簡公任也不鑒不以

楚敗爲鑿戒也又不承其王命以遠我一二兄弟之國

解說云謂齊納樂盈以伐晉昭謂兄弟魯也哀十一年

春齊伐魯故其年吳會魯以伐齊夫差不贊不忍被甲

帶劍挺鉞指銀遵汶伐博**解**博齊別都**疏****解**博齊別都

泰山郡博縣有泰山廟岱山在西北求山上水經汶水

注汶水又南逕博縣故城東是也案在今山東泰安府

泰安縣**登笠相望於艾陵****解**唐尚書云登夫須也昭謂

登笠備雨器也相望言不避暑雨艾陵之戰在上傳曰

五月克博至于贏是也**疏****解**登夫至是也○爾雅釋

暑此唐義所本南山有臺**疏**引陸璣**疏**夫須也○爾雅釋

爲登笠史記平原君傳集**解**登長柄笠有柄者謂之

屬泰山水經汶水注汶水又西南逕贏縣故城南桓三

年公會齊侯於贏也

天舍其衷齊師還

解言敗而還夫差豈敢自

多文武實舍其衷

解文武二后也歸不稔於歲

解言伐

齊之明年不至于穀熟而復出師也余泝江沂淮闕溝

深水出于商魯之間以徹於兄弟之國

解兄弟諸姬也

夫差克有成事敢使苟告於下執事

解克能也成事成

功也周王答曰苟伯父命女來明紹享余一人若予嘉

之解周王景王之子敬王可也紹繼也享獻也繼先王

之禮獻我一人我心誠嘉之也昔周室逢天之降禍遭

民之不祥

解說云謂民流王于彘也昭謂子朝篡立敬

王出奔民成周之民助子朝者余心豈忘憂卹不唯下

土之不康靖解不但憂四方乃憂王室也今伯父曰戮
力同德解戮并也伯父若能然余一人兼受而介福解
而女也介大也伯父多厯年以沒元身解元善也伯父
秉德已侈大哉解侈猶廣也

吳王夫差還自黃池息民不戒解戒儆也越大夫種乃
倡謀解發始爲倡曰吾謂吳王將遂涉吾地今罷師而
不戒以忘我我不可以怠也口臣嘗卜於天解日昔日
也卜於天天若棄吳必許吾成既罷弊其民天奪之食
安受其燼之言者今吳民既罷解罷勞也而大荒荐饑
市無赤米解赤米米之好者今尙無有疏
解赤米至無有○文選張

景陽雜詩紅粒貴瑤瓊李善注引漢書曰太倉之粟紅腐而不可食也劉良注紅粒米也米澤則赤故云奸也

而困鹿空虛解員曰困方曰鹿疏伐植毛傳曰至曰鹿○詩

考工記匠人注曰困方曰鹿疏伐植毛傳曰至曰鹿○詩

口謂之鹿是取鹿獸為義齡案補音本云鹿通麓說文

亦謂之高候也楚辭九款奔雞駭于筐麓注篋麓竹器篋

形多方未必其民必移就蒲羸於東海之濱解蒲深蒲

取義鹿獸也其民必移就蒲羸於東海之濱解蒲深蒲

也羸蚪蛤之屬濱涯也疏解蒲深至濱涯○詩韓奕孔

鄭注深蒲蒲始生水中是也陸璣疏云蒲始生水深隘人

中如地菊大如七柄正白生叢之甘脆鷺而以其酒浸

之如食符法爾雅釋魚蚌含漿說文蚌蜃屬鄭注天官

隨人以含漿為釋物之屬釋魚又云羸小者蝓郭注螺

大者如斗出日南漲海中案鄭注所言海羸也韓非外

儲說澤之魚鹽甯隨羸蚌是澤國所貢也淮南修務訓

古者民茹少飲水食羸蠃之肉今天占既兆解兆見也

羸蚌種類各異海濱人皆食之

人事又見解謂怨誹也我蔑卜筮矣王若今起師以會

奪之利無使失悛解悛改也夫吳之邊鄙遠者罷而未

至解罷歸也吳王將恥不戰必不須至之會也解不待

遠兵而以中國之師與我戰解中國國都也若事幸而

從我解言從我而戰我遂踐其地其至者亦將不能之

會也已解言吳邊鄙雖來將不能會戰吾用禦兒臨之

解禦兒越北鄙在今嘉興言吳邊兵若至吾以禦兒之

民臨敵之疏解禦兒至敵之○水經漸江水注浙江又

西鄉有產兒墮地便能語云天方明河欲清鼎折腳金

乃生因是詔為語兒鄉非也禦兒之名遠矣蓋無智之
徒因籍地名生情穿鑿爾國語北至禦兒安得引黃武
證地哉漢書閩越傳孟康注語兒越中地也今吳南亭

是顏師古注語字或作籒或作籒史記東越傳正義
字今作語語兒鄉在今蘇州嘉興縣南七十里臨官道
案禦兒今爲浙江嘉興府石
門縣東北二十里石門鎮 吳王若憊而又戰

解 憊怒

也幸遂可出解使出奔若不戰而結成解成平也王安

厚取名而去之越王曰善乃大戒師將伐吳楚申包胥

使於越解申包胥楚大夫王孫包胥也越王句踐問焉

曰吳國爲不道求殘我社稷宗廟以爲平原弗使血食

吾欲與之傲天之衷解傲要也唯是車馬甲兵卒伍旣

具無以行之解行猶用也請問戰奚以而可解以用也

包胥辭曰不知解謙也王固問焉乃對曰夫吳良國也

解良善良也能博取於諸侯解取貢賦也敢問君王之

所以與之戰者解問政惠所行也王曰在孤之側者觴
酒豆肉簞食未嘗敢不分也解觴爵名豆肉器簞飯器
飲食不致味解致極也不極五味之調聽樂不盡聲解
不盡五聲之變求以報吳願以此戰包胥曰善則善矣
未可以戰也王曰越國之中疾者吾問之死者吾葬之
老其老解敬長老也慈其幼長其孤問其病求以報吳
願以此戰包胥曰善則善矣未可以戰也解此小惠未
徧故未可用也王曰越國之中吾寬民以子之忠惠以
善之吾修令寬刑施民所欲去民所惡稱其善掩其惡
求以報吳願以此戰包胥曰善則善矣未可以戰也王

曰越國之中富者吾安之解不專取也貧者吾予之救

其不足裁其有餘解裁謂有餘則稅之使貧富皆利之

求以報吳願以此戰包胥曰善則善矣未可以戰也王

曰越國南則楚西則晉北則齊解西南北皆以中國言

之春秋皮幣玉帛子女以賓服焉未嘗敢絕求以報吳

願以此戰包胥曰善哉蔑以加焉然猶未可以戰也夫

戰知爲始仁次之勇次之不知則不知民之極解極中

也無以銓度天下之衆寡解銓稱也不仁則不能與三

軍共饑勞之殃不勇則不能斷疑以發大計越王曰諾

越王句踐乃召五大夫解五大夫舌庸苦成大夫種范

螽臯如之屬曰吳爲不道求殘吾社稷宗廟以爲平原
不使血食吾欲與之徼天之衷唯是車馬兵甲卒伍旣
具無以行之吾問於王孫包胥旣命孤矣解命告也敢
訪諸大夫問戰奚以而可句踐願諸大夫言之皆以情
告無阿孤孤將以舉大事解阿曲從也大夫舌庸乃進
對曰審賞可以戰乎王曰聖解審賞賞不失勞聖通也
大夫苦成進對曰審罰則可以戰乎王曰猛解能罰則
嚴猛也疏審罰至日猛○淮南人問訓越王句踐一決
也此越王審獄不辜援龍淵而切其股血流至足以自罰
罰之事也大夫種進對曰審物則可以戰乎王曰辨
解說云別物善惡昭謂物旌旗物色徽幟之屬辨別也

大夫蠡進對曰審備則可以戰乎王曰巧解備守禦之

備巧審密不可攻入也大夫皋如進對曰審聲則可以

戰乎王曰可矣解聲謂鉦鐘進退之聲聲不審則衆惑

也疏審聲至可矣史記律書正義引兵書云夫戰太

志宮則軍和主卒同心徵則將急數怒軍士勞羽則兵

弱少威焉文選鍾上季檄蜀文李善注引黃帝出軍決

日始立牙之日金鐸之聲揚以清鼓鞞之乃命有司大

聲施而鳴此大勝之徵也是審音之事也

合於國曰苟任戎者皆造於國門之外解國門城門也

疏苟任至之外王肅易注造就也至義王乃合於國曰

也般庚其有衆咸造孔疏造爲至義

國人欲告者來告解三君云告不任兵事也昭謂告者

謂有善計策及職事所當陳白者不任兵事則下所謂

眩瞽之疾筋力不足以勝甲兵者告是也告孤不審將
爲戮不利解不審謂欺詐非實也過及五日必審之解
使孰思計之也過五日道將不行解道術也過五日則
晚矣軍當出也故術將不行王乃入命夫人王背屏而
立夫人向屏解屏寢門內屏也王北向夫人南向王曰
自今日以後內政無出外政無入解內政婦職外政國
事內有辱是子也外有辱是我也我見子於此止矣王
遂出夫人送王不出屏解婦人禮送迎不出門乃闔左
闔填之以土解閉陽開陰示幽也疏乃闔左闔釋宮闔謂之扉荀
子儒效篇外闔不開楊注去筭側席而坐不埽解筭簪

闔門扉也是闔即門扇也

也去筭去飾也側猶特也禮憂者側席而坐

疏解側猶

○曲禮注側猶特也憂不在接人不布他而席也

王背

正義案聘禮云公禮賓公側受醴是側猶尊也

檐而立大夫向檐解說云檐屋外邊壇也唐尚書云屋

名也昭謂檐謂之楠楠門戶掩陽也

疏解說云至掩陽

謂之楠說文檐椳也檐楠也說文又云楣秦名屋檣也齊謂之檐楚謂之楣釋名簷檐也按簷屋前後也謂承檐行材者也王命大夫曰食土不均地之不修內有辱於國

是子也

解均平也修墾也軍士不死外有辱是我也白

今日以後內政無入解內國政外軍政也吾

見子於此止矣王遂出大夫送王不出檐解示當守備

也乃闔左闔填之以土側席而坐不埽解示憂戚無飾

也王乃之壇列解壇在野所以講列士衆誓告之處鼓而行之至於軍解軍所軍之地也斬有罪者以徇曰莫如此以環瑱通相問也解環金玉之環瑱塞耳間遺也通行賂以亂軍也明日徙舍斬有罪者以徇曰莫如此不從其伍王之令明日徙舍斬有罪者以徇曰莫如此不用王命明日徙舍至於禦見斬有罪者以徇曰莫如此淫逸不可禁也王乃命有司大徇於軍曰有父母耆老而無昆弟者以告解六十日耆七十日老王親命之曰我有大事子有父母耆老而爲我死子之父母將轉于溝壑解轉入也子爲我禮已重矣解重矣去父母而來

也子歸沒而父母之世解沒終也後若有事吾與子圖之明日徇於軍曰有兄弟四五人皆在此者以告王親命之曰我有大事子有昆弟四五人皆在此事若不捷則是盡也解捷勝也擇子之所欲歸者一人明日徇於軍曰有眩瞽之疾者告王親命之曰我有大事子有眩瞽之疾其歸若已解若汝也已止也後若有事吾與子圖之明日徇於軍曰筋力不足以勝甲兵志行不足以聽命者歸莫告明日遷軍接餽解上下皆餽也斬有罪者以徇莫如此志行不果解果勇決也於是人有致死之心王乃命有司大徇於軍曰謂二三子歸而不歸處

而不處解處止也進而不進退而不退左而不左右而

不右身斬妻子解鬻賣也於是吳王起師軍於江北

解江松江去吳五十里疏志解江松江至十里○漢書地理

班氏之南江即左傳之笠澤後漢書左慈傳曹操曰今

日高會所少松江鱸魚耳李賢注松江在今蘇州東南

首受太湖則松江之名始有于漢末而吳則指其郡名

也陳書侯纘傳纘追侯景與戰敗于吳松江始有吳松

之名則漢以後之吳松江即漢以前之松江水經河水

注引庾仲初揚都賦今太湖東注為松江下七十里有

水口分流東北入海為婁江東南入海為東江與松江

而三也陸氏釋文引顧夷吳地記說同夏木紀正義三

江者在蘇州東南三十里名三江口一江西南上七十

里至太湖名曰松江一江東北下三百餘里入海名曰下江

亦曰婁江錢大昕曰松江首受太湖經吳江崑山嘉定

則松江上流為吳縣南境越王軍於江南越王乃中

分其師以爲左右軍解傳曰越子伐吳吳子禦之笠澤

夾水而陳在魯哀十七年以其私卒君子六千人爲中

軍解私卒君子王所親近有志行者猶吳所謂賢良齊

所謂士也疏以其至中軍○越世家集解引虞翻國語

謂君所子養有恩惠者昭二十七年傳沈尹戌帥都君

子杜注都君子在都邑之士有復除者是杜說亦得爲

一義也明日將舟戰於江及昏乃令左軍銜枚疏左軍銜

禮大司馬鄭注枚如箸銜之有結結項中賈公彥

曰續兩頭繫也以組爲之兩頭交於項後結之汧江

五里以須解須須後命也亦令右軍銜枚踰江五里以

須解踰度也夜中乃令左軍右軍涉江鳴鼓中水以須

解夜中夜半也中水水中央吳師聞之大駭曰越人分

爲二師將以夾攻我師乃不待旦亦中分其師將以禦

越解不知越復有中軍故中分其師以禦之越王乃令

其中軍銜枚潛涉解潛默也涉度也不鼓不譟以襲攻

之吳師大北解軍奔敗走曰北北古之背字越之左右

軍乃遂涉而從之又大敗之於沒解沒地名也又郊敗

之解郊郭外也三戰三北解三戰笠澤也沒也郊也乃

至於吳越師遂入吳國闔王宮解王宮姑蘇疏越師至

越絕書曰吳郭周匝六十八里六十步大城周四十七

里二百一十步水門八陸門八其二有樓名門者車船

並人呂門今見在銅柱石填池大城中又有小城周十
二里亦有水陸城門皆闔閭宮在焉高平里王宮卽小
城也一本作王臺非也姑吳王懼使人行成曰昔不穀
蘇臺在國外三十五里

先委制於越君解不言越委制於吳謙言而反之也君

告孤請成男女服從孤無奈越之先君何解言越先君

與吳有好畏天之不祥不敢絕祀許君成以至於今今

孤不道得罪於君王君王以親辱於孤之弊邑孤敢請

成男女服爲臣御越王曰昔天以越賜吳而吳不受今

天以吳賜越孤敢不聽天之命而聽君之令乎乃不許

成因使人告於吳王曰天以吳賜越孤敢不受以民生

之不長解長久也王其無死民生於地上寓也解寓寄

也其與幾何解言幾何時寡人其達王於甬句東解達

致也甬句東今句章東海口外洲也疏解甬句至外洲

○吳世家集解

引賈逵曰甬東越東鄙甬江東也哀二十二年傳杜注甬東會稽章縣東海中洲也案句章今浙江甬波府慈谿鎮海二縣地海中洲卽舟山今之定海縣也縣東三十里有翁山一名翁洲卽春秋之甬東也夫婦

三百唯王所安以沒王年解夫婦各三百人以奉之在

所安可與居者夫差辭曰天旣降禍於吳國不在前後

當孤之身實失宗廟社稷凡吳土地人民越既有之矣

孤何以視於天下夫差將死使人說於子胥解說告也

曰使死者無知則已矣若其有知吾何面目以見員也

遂自殺越滅吳解在魯哀二十二年冬十一月疏夫差

吳○越世家正義引越絕書云吳王曰聞命矣以三寸帛悞吾兩目使死者有知吾慙見伍子胥公孫聖以爲無知吾恥生者越王則解綬以俟其目遂伏劍而死蘇秦列傳句踐禽夫差于干遂正義曰在蘇州吳縣西北

四十餘里萬安山前遂西南山太湖夫差敗于姑蘇禽
于干遂相去四十餘里越世家又言越王乃葬吳王而
誅太宰嚭上征上國解上國中國也疏上征上國○越
是其事也周元王使人賜句踐胙命爲伯句踐已去渡淮南以
淮上地與楚歸吳所侵宋地與魯泗東地方百里宋鄭
當是時越兵橫行於江淮東諸侯畢賀號稱霸王宋鄭
魯衛陳蔡執玉之君皆入朝解玉珪璧也疏宋鄭至入
亡在昭八年陳後亡在哀十七年說者謂昭九年傳鄭
裨竈曰封五十二年而遂亡則陳後亡之後不復封矣
越滅吳在哀二十二年斯時安得有陳君或又謂陳之
初亡楚使穿封戊爲陳公則後亡後亦必有爲陳公者
卽陳君也案陳公爲楚之邑台不應外交于越亦不應
執玉且戰國時列國之臣有稱君者春秋時則無之兩
說義無明證姑錄夫唯能下其羣臣以集其謀故也解
其說以俟審定集成也言下其羣臣以明吳不用子胥之禍

國語正義卷第十九終

國語十九

國語

國語正義卷第二十

歸安董增齡撰集

越語上

越王句踐棲於會稽之上〔解〕山處曰棲會稽山名在今

山陰南七里吳敗越於夫椒遂入越越子保于會稽在

魯哀元年〔疏〕解山處至元年○越世家越王以餘兵五

棲猶鳥棲于木以避害也故六韜曰軍處山之〔解〕乃號令

高者則曰棲會稽魯語解訖夫椒吳語解訖

於三軍〔解〕號呼也曰凡我父兄昆弟及國子姓〔解〕號令

三軍而言父兄昆弟者方在危阨親而呼之也國子姓

年在衆子同姓之列者有能助寡人謀而退吳者吾與

之共知越國之政解知政謂爲卿大夫種進對曰臣聞

之賈人解賈人買賤賣貴者夏則資皮解資取也冬則

資絺解絺葛也精曰絺麤曰絺旱則資舟水則資車以

待乏也夫雖無四方之憂然謀臣與爪牙之士不可不

養而擇也譬如蓂莢時雨旣至必求之今君王旣棲於

會稽之上然後乃求謀臣無乃後乎解後晚也句踐曰

苟得聞子大夫之言何後之有執其手而與之謀遂使

之行成於吳解傳曰使種因吳太宰嚭以求成也曰寡

君句踐乏無所使使其下臣種不敢徹聲聞於天王解

徹達也私於下執事曰寡君之師徒不足以辱君矣解

不足以屈辱君親不討也願以金玉子女賂君之辱請

句踐女女于王解進女爲女大夫女女於大夫士女女

於士越國之寶器畢從寡君帥越國之衆以從君之師

徒唯君左右之解左右在君所用也若以越國之罪爲

不可赦也將焚宗廟解爲將不血食也係妻孥解係繫

也死生同命不爲吳所禽虜沈金玉於江解不欲吳得

之有帶甲五千人將以致死乃必有偶解偶對也疏偶

對○偶對也者言相當也越世家五千人觸戰必有當

也索隱言悉五千人觸戰或有能當吳兵者下云無乃

傷君王之所愛乎是以帶甲萬人以事君也解言赦越
是有當則傷也
是得帶甲萬人事君也無乃卽傷君王之所愛乎與

其殺是人也寧其得此國也其孰利乎

解

寧安也言戰

而殺是萬人與安而得越國誰爲利乎夫差將欲聽與之成子胥諫曰不可夫吳之與越也仇讎敵戰之國也

三江環之民無所移

解

環繞也三江松江錢唐浦陽江

也言此二國之民三江繞之遷徙非吳則越也

疏

解環繞至

則越○水經河水注松江上承太湖東逕五澤錢大昕曰松江首受太湖經吳松江崑山嘉定青浦至上海縣合黃浦入海亦名吳松江錢唐江卽浙江以漢許都議曹華信輸錢築唐故名鄆道元謂浙江于餘暨東合浦陽江案錢唐江發源縣浦陽江發源烏傷然合流之後則同至餘姚入海是言錢唐已包浦陽不得分而爲二漢地理志毗陵縣季札所居北江在毗陵江都最北故謂之經流則東逕毗陵至江都入海毗陵江都最北故謂之北江是岷江正環吳之境不得獨遺之也水經注引郭璞曰三江者岷江松江浙江也胡渭曰以此當國語之

三江則長于韋矣案此言環吳越之三江與禹貢左合漢爲北江右會彭蠡爲南江岷江爲中江固屬風馬牛不相及也卽與庾仲初揚都賦松江東江婁江爲三江者其義亦別有吳則無越有越則無吳

解

言勢不兩立也將不可改於是矣

解

言滅之之

計不可改易也員聞之陸人居陸水人居水夫上黨之

國

解黨所也上所之國謂中國也我攻而勝之吾不能

居其地不能乘其車

解

言習俗之異也說云吳是時未

知以車戰申公巫臣使其子狐庸教之昭謂狐庸教吳

魯成公時也至此哀元年歷五公矣非未知也吳地勢

自習水耳

疏

我攻至其車○呂氏春秋說此事云子胥

得其地不能處得其民

夫越國吾攻而勝之吾能居其

地吾能乘其舟

疏

越國至其舟。昌氏春秋說此事云

通屬召俗同言語通我得其地能處之得其此利也不

民能使之越于我亦然故云有欲于我也此利也不

可失也已君必滅之失此利也雖悔之亦無及已越人

飾美女八人納之太宰嚭

解

上言請大夫女女於大夫

故因此而納美女于太宰嚭以求免也嚭吳正卿故楚

大夫伯州黎之子也魯昭元年州黎為楚靈王所殺嚭

奔吳唐尚書云平王殺之非也

疏

人略晉悼公以女樂

二八齊人

歸魯定公女樂八十人

以八人備八音蓋女

樂也惠氏

左傳補注引王符云

嚭宛直而和故為子常

所始受誅

其子嚭奔吳為太宰

吳越春秋伍子胥對吳

王曰帛否

楚州黎係吳世家注引徐廣曰

伯州黎之

子曰嚭宛

宛之子曰伯嚭宛亦姓伯

族惠棟曰司馬

貞曰嚭宛

州黎子伯嚭宛子伯氏別族

惠棟曰司馬

四年傳楚之殺卻宛也伯氏之族出注云卻宛堂又云伯州犂之孫翬爲吳太宰楚世家宛之宗姓伯氏子翬則翬乃宛之族也與左傳合王符徐廣司馬貞皆以翬爲卻宛子非也宏嗣又以爲伯州犂之子未知何本目子苟赦越國之皐又有美於此者將進之太宰翬諫曰翬聞古之伐國者服之而已今已服矣又何求焉夫差與之成而去之解成平也句踐說於國人解說解也曰寡人不知其力之不足也而又與大國執讎解執猶結也以暴露百姓之骨於中原此則寡人之皐也寡人請更解更改也於是葬死者問傷者養生者弔有喪賀有喜送往者迎來者去民之所惡補民之不足然後卑事夫差宦士三百人於吳解將三百人以入事吳若宦豎

然疏

解將三至豎然○周禮酒人漿人籩人醢人之等皆用奄鄭注奄精氣閉藏者今謂之宦人又周禮

寺人疏引僖二十四年傳寺人披自稱刑臣則寺人與

宦官奄同必是彼刑之後者但僖十七年梁嬴女入秦

為宦女孔疏謂宦事秦公子則女疏引昭四年傳叔孫穆

周禮內豎注豎未冠者之官名疏引昭四年傳叔孫穆

子幸庚宗婦人而生牛以為豎官則豎豎未冠其身親

者對文則宦長豎幼通言之則宦可包豎也其

為夫差前馬解

前馬前驅在馬前也

疏

○解前馬至馬前

子云為吳王洗馬洗音銑淮南子為吳兵先馬走荀子

天子出門諸侯持輪挾輿先馬賈誼新書楚懷王無道

鑄金人以象諸侯人君令大國之君編而洗馬然則洗

馬者馬前引導之人也亦有稱馬洗者六韜賞及牛豎

馬洗廐養之徒漢書百官表太子太傅少傅屬官有先

馬張晏曰先馬員十六人秩比謁者先或作洗周禮齊

右職凡有牲事則前馬注王見牲則拱而式居馬前卻

行備驚奔也又道右職王式則下前馬是此官古有之

莊子黃帝將見大隗乎具茨之山張句踐之地南至於

若謂朋前馬則其名不始于周矣

句無解今諸稽有句無亭是也疏解今諸至是也○後

暨越絕書曰與平二年分立吳甯縣水經漸江水注江

水又東逕諸暨縣南縣臨對江流江南有射堂縣北帶

烏山故越地也先名上諸暨亦曰句北至於禦兒解今

無矣案諸暨縣今隸浙江紹興府

嘉興語兒鄉是也東至於鄞解今鄞縣是也疏解今鄞

○漢書地理志會稽郡鄞縣有鎮亭有鮎埼亭東南有

天門水入海有越天門山服虔曰鄞音銀案今鄞縣隸

浙江甯西至於姑篸解姑篸今太湖是也疏解姑篸至

波府

十三年傳杜注姑篸越地今東陽太末縣按漢地理志

會稽太末殺水東北至錢唐入江後漢書郡國志太末

左傳謂姑篸初平三年分立新安縣建安四年孫氏分

立豐安縣二十三年立遂昌縣水經漸江水注浙江又

東北流至錢唐縣穀水入焉水源西出太末縣縣是越

之西鄙姑篸之地也則姑篸為今浙江衢州府龍游縣

境與太湖相去六百餘里故廣運百里解言取境內近

王應麟曰太湖仰太末之誤

者百里之中耳東西爲廣南北爲運乃致其父兄昆弟而誓之曰寡人聞古之賢君四方之民歸之若水之歸下也今寡人不能將帥二三子夫婦以蕃解蕃息也命壯者無取老婦命老者無取壯妻女子十七不嫁其父母有皁丈夫二十不取其父母有皁解禮三十而娶二

十而嫁今不待禮者務育民也疏問禮三至育民○素

曰女子七歲腎氣盛齒更髮長二七而天癸至任脈通伏衝脈盛月事以時下故有子大戴禮本命篇女七月生齒七歲而亂二七十四然後其化成熟則十七已任爲人母之道今急于生聚故早于常制又上古天真論岐伯曰男子八歲腎氣實髮長齒更二八腎氣盛天癸至精氣溢寫陰陽和故能有子大戴禮本命篇二十八爲人父之道故亦令是時而取也將免者以告解免免

乳也公令醫守之解醫乳醫也生丈夫二壺酒疏酒二壺

大戴禮投壺篇壺脰修七寸口徑二寸半壺高尺二寸受引五升壺腹修五寸何休春秋解詁腹方口圓日壺

反之曰一犬生女子二壺酒一豚解犬陽畜知擇人豚

主內陰類也生三人公與之母解母乳母也人生三者

亦希耳生二人公與之餼解餼食也當室者死三年釋

其政解當室適子也禮爲適子三年支子死三月釋其

政解支子庶子必哭泣葬埋之如其子令孤子寡婦疾

疹貧病者納宦其子解宦仕也仕其子而教之稟以食

之也其達士潔其居解潔其館舍美其服解賜衣服也

飽其食解京饌多也而摩厲之於義四方之士來者必

廟禮之解禮之於廟告先君也句踐載稻與脂於舟以

行解稻麋脂膏也疏解稻麋脂膏○爾雅釋言麋麋也

也爾雅釋器冰脂也疏說文冰脂也釋名麋煮米使麋爛

也釋文冰孫炎本作凝疏國之至不敵○七歲以下曰孺

無不舖也無不敵也疏子漢書高帝紀有一老父過請

飲呂后因舖之顏注以食食人謂之舖呂氏春秋下壺

煢以舖之是也說文噉嘗也釋名噉絕也乍噉而絕于

口必問其名解為後將用之非其身之所種則不食非

其夫人之所織則不衣十年不收於國民居有三年之

食解古者三年耕必餘一年之食國之父兄請曰昔者

夫差恥吾君於諸侯之國令越國亦節矣解有節度也

請報之句踐辭曰昔者之戰也非二三之舉也寡人之

舉也如寡人者安與知恥請姑無庸戰

[解]

姑且也庸用

也父兄又請曰越四封之內親吾君也猶父母也子而思報父母之仇臣而思報君之讎其有攻不盡力者乎請復戰句踐既許之乃致其衆而誓之曰寡人聞古之賢君不患其衆之不足也而患其志行之少恥也

[解]

少

恥謂進不念功臨難苟免今夫差衣水犀之甲者億有

三千

[解]

言多也犀形似豕而大今徼外所送有山犀有

水犀水犀之皮有珠甲山犀則無億三千所謂賢良也

若今備衛士不患其志行之少恥也而患其衆之不足

也今寡人將助天滅之

[解]

言夫差天所不與故曰助天

也吾不欲匹夫之勇解匹夫輕儻微功要利者欲其旅

進旅退也解旅俱也進則思賞退則思刑如此則有常

賞進不用命解離伍獨進也退則無恥解不畏戮辱如

此則有常刑果行國人皆勸父勉其子兄勉其弟婦勉

其夫解言得一國之歡心曰孰是君也而可無死乎解

孰誰也誰有恩惠如是君者可不爲之死乎是故敗吳

於囿解囿笠澤也在魯哀十七年疏解囿笠澤○水經

太湖更逕笠澤在吳南松江左右也江側有丞胥二山

山各有廟下有九折路南出太湖間造以遊姑胥之

臺以望太湖者也按說文囿苑有垣也一曰禽獸曰囿

言囿在笠澤左右又敗之於沒解沒地名在哀十九年

故以笠澤言之也

又郊敗之

[解]

在哀二十年十二月越圍吳夫差行成曰

寡人之師徒不足以辱君矣請以金玉子女賂君之辱

句踐對曰昔天以越與吳而吳不受今天以吳與越越

可以無聽天之命而聽君之令乎吾請達王甬句東[解]

甬句東句章也達王出之東境吾與君爲二君乎[解]

待之若二君然夫差對曰寡人禮先壹飯矣[解]言已年

長於越王覺差壹飯之間欲以少長求免也君若不忘

周室而爲弊邑宸宇

[解]

宸屋舊宇邊也言越君若以周

室之故以屋宇之餘庇覆吳也亦寡人之願也君若曰

吾將殘女社稷滅女宗廟寡人請死余何面目以視於

天下乎越君其次也解次舍也遂滅吳

國語正義卷第二十終

國語正義卷第二十一

歸安董增齡撰集

越語下

越王句踐卽位三年而欲伐吳〔解〕句踐三年魯哀之元

年〔疏〕

越王至伐吳○越世家句踐三年聞吳王夫差日夜勒兵且以報越越欲先吳未發往伐之韓非子

內儲說越王慮伐吳欲人之輕死也出見怒蛙乃爲之式從者曰奚敬于此王曰爲其有氣故也明年請以頭獻者歲十餘范蠡進諫曰夫國家之事有持盈〔解〕持守

人是其事也也盈滿也有定傾〔解〕定安也傾危也有節事〔解〕節制也

王曰爲三者奈何范蠡對曰持盈者與天〔解〕與天法天

也天道盈而不溢盛而不驕

〔疏〕

持盈者與天○越世家索隱與天天與也言持

滿不溢與天同
道故天與之

定傾者與人

解與人取人之心也人道

好定傾危之中當卑辭尊禮玩好女樂尊之以名

疏定

者與人○越世家集解引虞翻國語注人道尚節事者
謙卑以自牧索隱人主有定傾之功故人與之

與地

解

與地法地也時不至不可彊生事不究不可彊

成之屬

疏

節事者與地○越世家索隱言地能財成萬

恐非齡按索隱之義為長

王不問蠡不敢言天道盈而不溢

解陽盛

則損月滿則虧盛而不驕

解盛元氣廣大時也不驕不

自縱弛也勞而不矜其功

解勞動而不已也矜大也不

自大其功施而不德也夫聖人隨時以行是謂守時

解

隨時時行則行時止則止天時不作弗為人客

解作起

也攻者爲客起謂天時利害災變之應人事不起弗爲

之始

解人事謂怨畔逆亂之萌也先動爲始今君王未

盈而溢

解未盈國未富實而君意溢也未盛而驕解道

化未盛而自驕泰也不勞而矜其功

解未有勤勞而自

大其功也天時不作而先爲人客

解吳未有天災而欲

伐之人事不起而創爲之始此逆於天而不和於人

解

天應未至人事不起故逆於天而失人和也王若行之

將妨於國家靡王躬身

解妨害也靡損也王弗聽范蠡

進諫曰夫勇者逆德也

解德尙禮讓勇則攻奪兵者凶

器也

解言害人也爭者事之末也

解言賢者修其政德

而遠方附事之德不行然後用武故曰爭者事之末也

陰謀逆德好用凶器解陰謀兵謀也勇爲逆德也始於

人者人之所卒也解始以伐人人終害之淫佚之事上

帝之禁也解淫佚放濫也先行此者不利王曰無是貳

言也吾已斷之矣解貳二也二言陰謀淫佚也果興師

而伐吳戰於五湖解五湖今太湖也疏解五湖今太湖

南江下旣引韋氏此解又引虞翻曰是湖有五湖故曰

五湖五湖鄆氏舉長塘湖太湖射貴湖上湖漏湖以實

之故曰引郭景純江賦注五湖以漫潏言江水經緯五

湖而苞注太湖也越絕書云太湖周三萬六千頃太平

寰宇記引虞翻川瀆記云太湖東通松江南通霅溪西

通荆溪東連滌谿凡五道謂之五湖史記夏本紀正義

太湖西南湖州諸谿從天日山下西北宣州諸山有谿

並下太湖太湖東北流各至三江口入海五湖者菱湖

游湖莫湖貢湖澤湖皆太湖東岸五湖爲五湖蓋古時
應別今並相連菱湖在莫里山北則徐侯山西與莫湖連莫
關二里其口南則莫里山北與聶湖連聶湖在莫里山北
湖在莫里山西北及北北與聶湖連聶湖在莫里山北
莫湖連各湖西口濁二里其口連太湖游湖在北二十里
在長山東湖周廻五六十里貢湖在長山西南岸樹里山西北岸
長山東南湖周廻五六十里貢湖在長山西南岸樹里山西北岸
口東南湖周廻一百九十里即山陽村西北連常州無錫縣老岸
湖周廻一百九十里即山陽村西北連常州無錫縣老岸
湖西亦連太湖按吳越水鄉濤湖汎决觸地成川交渠
故漕難取悉今太湖在江蘇蘇州府吳縣西南四十
五里其水綿亘江蘇常州府及浙江湖州府烏程長興
二縣境推韋氏之意以太不勝棲於會稽王召范蠡而
湖總攝五湖用虞翻說也
問焉曰吾不川子之言以至於此爲之奈何范蠡對曰
君王其忘之乎持盈者與天定傾者與人節事者與地
王曰與人奈何解已在傾危故先問與人范蠡對曰卑

辭尊禮

解

言當界約其辭尊重其禮以求平也玩好女

樂

解

玩好珍寶也女樂謂士女女於士大夫女女於大

夫尊之以名

解

謂之天王也如此不已

解

不已謂吳不

釋也又身與之市

解

市利也謂委管籥屬國家以身隨

之

疏

又身與之市。越世家正義界作言辭厚遺珍寶

定傾危

不許平越王身往事之如市賈貨易以利也此是

王曰諾乃令大夫種行成於吳曰請士女女於

士大夫女女於大夫隨之以國家之重器

解

重器寶器

也吳人不許大夫種來而復往曰請委管籥屬國家以

身隨之君王制之

解

委歸也屬付也管籥取鍵器也月

令曰修鍵閉慎管籥

疏

管籥至管籥。信三十年傳

杜注管籥也淮南說林訓盜跖

見節曰可以黏牡高注牡門戶齋牡也漢五行志顏注牡所以下閉者也亦以齋為之則齋即牡也吳人

許諾王曰蠡為我守於國范蠡對曰四封之內百姓之

事蠡不如種也四封之外敵國之制立斷之事種亦不

如蠡也王曰諾令大夫種守於國與范蠡入宦於吳解

宦為臣隸也疏吳范至於吳○水經漸江水注句踐臣

實四至三年而吳人遣之解句踐於魯哀元年棲會稽

吳與之平而去之句踐改修國政然後界事夫差在吳

三年而吳人遣之此則魯哀五年歸反至於國王問於

范蠡曰節事奈何解欲更修政故曰節事范蠡對曰節

事者與地唯地能包萬物以為一其事不失解為一不

偏也不失不失時也生萬物容畜禽獸然後受其名而
兼其利解受其名受其功名也利謂萬物終歸于地也
美惡皆成以養生解物之美惡各有所宜皆成之以養
人也時不至不可彊生解物生各有時也事不究不可
彊成解究窮也窮則變生可因而成也自若以處解若
如也自如無妄動也以度天下待其來者而正之解不
先唱待其來而就正之因時之所宜而定之同男女之
功解功農穡絲枲之功也除民之害以避天殃田野開
闢府倉實解貨財曰府米粟曰倉民衆殷解殷盛也無
曠其衆以爲亂梯解曠空也梯階也無令空日廢業使

之困乏以生怨亂爲禍階也時將有反事將有間解時

天時事人事也反還也間隙也時還則胙在越而吳事

有費隙也必有以知天地之恆制乃可以有天下之成

利解恆常也制度也事無間時無反解吳事無費隙天

時未在越則撫民保教以須之解保守也王曰不穀之

國家蠡之國家也蠡其圖之范蠡對曰四封之內百姓

之事時節三樂解三樂三時之務使之勸事樂業也不

亂民功不逆天時解從事有業故功不亂因時順氣故

不逆也五穀種孰民乃蕃滋解種和也蕃息也滋益也

君臣上下交得其志蠡不如種解交俱也四封之外敵

國之制立斷之事因陰陽之恆順天地之常解陰陽謂

剛柔晦明三光贏縮用兵利鈍之常數也柔而不屈解

外雖柔順內不可屈彊而不剛解內雖彊盛行不以剛

德虐之行因以爲常解唐尙書云言無德行虐習以爲

常昭謂德有所懷柔及爵賞也虐謂有所斬伐及黜奪

也以爲常以爲常法也死生因天地之刑解死殺也刑

法也殺生必因天地四時之法推亡固存亦是也天因

人解因人善惡而禍福之聖人因天解天垂象聖人則

之人自生之天地刑之解刑見也見其吉凶之象聖人

因而成之解因吉凶以誅賞是故戰勝而不報解敵家

不能報也取地而不反解不復反敵家也兵勝於外福
生於內用力甚少而名聲章明種亦不如蠡也王曰諾
令大夫種爲之解爲治國也

四年王召范蠡而問焉解說云魯哀三年昭謂四年反

國四年魯哀九年曰先人就世不穀卽位解先人允常

就世終世也疏解先人至終世○越世家允常卒子句

餘葉歷殷至周敬王時有越侯夫譚子曰允
常拓土始大稱王春秋貶爲子號爲於越
吾年旣少

未有恆常出則禽荒入則酒荒吾百姓之不圖唯舟與

車解好游田故唯舟與車上天降禍於越委制於吳解

委歸也吳人之那不穀亦又甚焉解那於也甚焉言見

困苦也吾欲與子謀之其可乎范蠡對曰未可也蠡聞
之上帝不考時反自守解考成也言天未成越當守天
時天時沒乃可以動也彊索者不祥解索求也得時不
成反受其殃解言得天時而人弗能成則反受其殃夫
差克越可取而不取後反見滅是也失德滅名流走死
亡有奪有予有不子解有奪子而復奪也有子天所授
也不予天所去也王無蚤圖夫吳君之吳也王若蚤圖
之其事又將未可知也解未可知或時不得也王曰諾
又一年解反國五年魯哀十年王召范蠡而問焉曰吾
與子謀吳子曰未可也今吳王淫於樂而忘其百姓解

衆聲色也亂民功逆天時信讒喜優解優謂非優也憎

輔遠弼解相道爲輔矯過爲弼疏相道至爲弼爾雅釋詁弼輔備也尙

書大傳天子有四輔臣前曰疑右曰丞左曰輔後曰弼荀子臣道篇注弼所以輔正弓弩者也或讀爲佛違君

之意也聖人不出解聖通也通知之人皆隱遁也忠臣解

骨解賈唐二君云解骨子胥伏屬鏤也昭謂是時子胥

未死解骨謂忠良之臣見其如此皆骨體解倦不復念

忠疏耳解昭謂至復念○解玉篇緩也博雅散也漢書張

敖之力不復竭盡也皆曲相御莫適相非上下相偷其可乎解御

猶將也言將曲意取容轉相將望無復相非以不忠正

者也偷苟且也范蠡對曰人事至矣天應未也王姑待

之王曰諾

又一年

解

反國六年魯哀十一年王召范蠡而問焉曰

吾與子謀吳子曰未可也今申胥驟諫其王王怒而殺

之其可乎

解

子胥數諫王不聽知吳必亡使於齊屬其

子於鮑氏王聞之賜之屬鏹以死在魯哀十一年范蠡

對曰逆節萌生

解

殺害忠正故爲逆節萌兆也天地未

形而先爲之征

解

形見也天地之占未見征征伐也疏

解形見

○荀子彊國篇刑範正揚注刑與形同其事是

刑範猶劍規模之器則刑卽形故訓爲見也

以不成雜受其刑

解

雜猶俱也刑害也王姑待之王曰

諾

又一年解反國七年魯哀十一年王召范蠡而問焉曰

吾與子謀吳子曰未可也今其稻蟹不遺種其可乎解

稻蟹食稻也

疏

博解稻蟹食稻○廣雅蟹雖曰蝦蟇雖曰

取稻芒兩枝長一二寸許東行輸送其長故今南方捕

蟹差早則有銜芒須霜後輪芒方可食之是蟹以稻為

食也易其於稼也為恨然後種中萌芽乃自舉不遺種者今

秋稻被蟹食盡范蠡對曰天應至矣人事未盡也解謂

飢困愁怨之事未盡極也王姑待之王怒曰道固然乎

解固故也妄其欺不穀耶吾與子言人事子應我以天

時今天應至矣子應我以人事何也范蠡對曰王姑勿

怪夫人事必將與天地相參然後乃可以成功解參三

也天地人事三合乃可以成功今其禍新民恐解稻蟹
新也其君臣上下皆知其資財之不足以支長久也解
支猶堪也彼將同其力致其死猶尙殆解殆危也言伐
吳於事尙危也王其且馳騁弋獵無至禽荒解使越王
爲此者示不以吳爲念一也宮中之樂無至酒荒肆與
大夫觴飲無忘國常解肆放也常典法也彼其上將薄
其德民將盡其力解言吳王見越馳騁射獵不以爲意
必不修德而縱私好以盡民力也又使之望而不得食
解怨望於上而天又奪之食也乃可以致天地之殛解
殛誅也王姑待之解且待時也自此後四年乃遂伐吳

至於立月解爾雅曰九月為立謂魯哀十六年九月至

十七年三月越伐吳也疏巡爾雅至伐吳○詩疏引李

氣侵寒其色皆黑孫炎爾雅注物衰而色元也顧炎武

曰章解謂魯哀十六年九月非也當云魯哀十六年十

一月蟋蟀之詩所言歲暮也若周之九月則火初流不得

言晚顧王召范蠡而問焉曰諺有之解諺俗之善謠也

曰觥飯不及壺殮解觥大也大飯謂盛饌未具不能以

虛待之不及壺殮之救飢疾也言已欲滅吳取快意得

之而已不能待有餘力也疏觥飯不及壺殮○說文引

小貌齡案曲禮小飯而刺之小飯言進粒少也粒少則

飽遲一食猶言大嚼言小飯不如大嚼之速得飽也喻

時不能久待宏嗣訓觥今歲晚矣子將柰何范蠡對曰

為大與許叔重異義

微君王之言

解

微無也臣固將謁之

解

謁請也請伐吳

也臣聞從時者猶救火追亡人也蹶而趨之唯恐弗及

解蹶走也王曰諾遂興師伐吳至於五湖吳人聞之出

挑戰

疏

出挑戰○文選李陵答蘇武書李善注引說文

挑挑

敵求戰也

古謂之致師也呂

延濟注挑并引之欲其戰也一日五反王弗忍欲許

之解不忍其忿也范蠡進諫曰謀之廊廟失之中原其

可乎王姑勿許也臣聞之得時無怠時不再來天予不

取反爲之災

疏

天子至爲災○漢書蕭何傳引周書曰

尚書同類孔子所刪百篇之外劉向所奏有七十一篇蠡所聞益周書也

之解贏縮進退也轉化變易也天節固然解固然有轉

化也唯謀不遷解謀必素定不可遷易也王曰諾弗許

范蠡對曰臣聞古之善用兵者解謂若黃帝湯武也贏

縮以爲常四時以爲紀解以爲常隨其贏縮紀猶法也

四時有轉運用兵有利鈍也周語曰王欲合是五位三

所而用之是也無過天極究數而止解極至也究窮也

無過天道之所至窮其數而止也天道皇皇日月以爲

常解皇皇著明也常象也明者以爲法微者則是行解

明謂日月盛滿時也微謂虧損薄食也法其明者以進

取行其微時以隱遁陽至而陰陰至而陽解至極也疏

解至極○神農本草春夏爲陽秋冬爲陰尙書大傳陽盛則吁荼萬物而養之外也陰盛則呼吸萬物而藏之

內也故曰呼吸也者陰陽之交接萬物之終始詩疏物
積而後始極既極而後方衰從旦積暖故日中之後乃
極熱從昏積涼故半夜之後始極寒計一歲之日分乃
為陰陽當以中冬極寒中夏極暑而六月始大暑季冬
乃大寒案襄三年傳張趯曰火中日困而還月盈而匡
寒暑乃退此其極也故以極訓至日困而還月盈而匡
解困窮也匡虧也疏口困至而匡○呂氏春秋口窮于
窮于次一說十二次窮于牽牛故曰窮于次案萬物始
于牽牛故物从牛始于牽牛者復至于牽牛故云還也
禮月令正義引周髀云月當日則光盈近日則古之善
明盡案既望而生魄至次月朔始蘇故云虧也古之善
用兵者因天地之常與之俱行解隨其運轉虧盈晦朔
之常也後則用陰先則用陽解後後動先先動也用陰
謂沈重固密用陽謂輕疾猛厲近則用柔遠則用剛解
敏近則用柔順示之以弱遠則抗威厲辭以亢禦後無

陰蔽先無陽察

解

後動者泰舒靜爲陰蔽也先動者泰

顯露爲陽察也用人無藝往從其所

解

藝射的也無藝

無常所也行軍用人之道因敵爲制不豫設也故曰往

從其所剛彊以禦陽節不盡不死其野

解

言敵以剛彊

來禦已其陽節未盡尙未可克故曰不死其野彼來從

我固守勿與

解

勿與之戰也若將與之必因天地之災

解彼有災變則可又觀其民之饑飽勞逸以參之

解言

雖有災民尙逸飽則未也盡其陽節盈吾陰節而奪之

解彼陽勢已盡而吾陰節盛滿則能奪之也宜爲人客

剛彊而力疾陽節不盡輕而不可取

解

先動爲客於時

宜爲人客剛強力疾陽數未盡雖輕易人猶不可得取也宜爲人主安徐而重固陰節不盡柔而不可迫解時

宜爲主人安徐重固陰數未盡雖柔不可困迫也凡陳

之道設有以爲牝設左以爲牡解陳有牝牡使相受也

在陰爲牝在陽爲牡疏解陳有至爲牡○文選陳孔璋

雜兵書曰八陳一曰方陳二曰圓陳三曰牡陳四曰蚤

陳五曰衝陳六曰輪陳七曰浮沮陳八曰雁行陳蚤

晏無失必順天道解晏晚也周旋無究解究窮也無窮

若日月然也今其來也剛強而力疾解言吳陽勢未盡

未可擊也王姑待之王曰諾弗與戰居軍三年吳師自

潰解魯哀二十年冬十一月越圍吳二十二年冬十一

月丁卯越滅吳疏吳師自潰○文三年傳凡其地其土

自壞之象也孔疏引公羊傳曰潰者何下吳王帥其賢

叛上也國曰潰邑曰叛左氏無此義也吳王帥其賢

以與其重祿以上姑蘇解姑蘇宮之臺也在吳昌門外

近湖或云賢賢妃良良貨唐尚書云重祿寶璧昭謂賢

良親近之士猶越言君子齊言士也吳語曰越王以其

私率六千人為中軍賈侍中云重祿大臣也使王孫雄

行成於越解雄吳大夫王孫姓也疏王孫雄吳先王之孫

與大夫同族非姓也姓則姬耳越解王孫雄吳先王之孫

世家作公孫雄則王孫非姓矣曰昔者上天降禍於

吳得罪於會稽解使越棲於會稽時也今君王其圖不

穀不穀請復會稽之和王弗忍欲許之范蠡進諫曰臣

聞之聖人之功時爲之庸解庸用也因天時以爲功用得時弗成天有還形解還反也形體也天節不遠五年

復反解節期也五年再閏天數一終故復反也疏解節期至

復反○日與天會而多五日九百四十分日之二百三

十五者爲氣盈月與日會而少五日九百四十分日之

五百九十二者爲朔虛合氣盈朔虛而閏生焉故一歲

閏率則十日九百四十分日之八百二十七歲一閏

則三十二日九百四十分日之六百一十五歲再閏

則五十四日九百四十分日之三百七十五也小凶

則近大凶則遠解小凶謂危敗大凶謂死滅近五年遠

十年或二十年也先人有言曰伐柯者其則不遠解先

人詩人也執柯以伐柯其法不遠以言吳昔不滅越故

有此敗此戒亦不遠也今君王不斷其忘會稽之事乎

王曰諾不許使者往而復來辭命卑禮命尊解俞益也

王又欲許之范蠡諫曰孰使我蚤朝而晏罷者非吳乎

與我爭三江五湖之利者非吳邪夫十年謀之一朝而

棄之其可乎解十年不收於國勤身以謀吳也王姑勿

許其事將易冀已解冀望也易望已不勤難也王曰吾

欲勿許而難對其使者子其對之范蠡乃左提鼓右援

枹以應使者解提挈也疏左提鼓右援枹周禮大司

曲木提持立馬尾上者故謂之提成二年傳釋文枹鼓有

槌也字林擊鼓柄也孔疏引說文云援引也枹擊鼓杖

也曰昔者上天降禍於越委制於吳而吳不受命將反
此義以報此禍吾王敢無聽天之命而聽君王之命乎

王孫雄曰子范子先人有言曰無助天爲虐助天爲虐者不祥今晉稻蟹不遺種子將助天爲虐不忌其不祥乎解忌惡也范蠡曰王孫子昔吾先君固周室之不成

子也

解子爵也言越本蠻夷小國於周室爵列不能成

于周禮諸子之國封疆方二百里疏昔吾至成子○周
明鄭注則地未成國之名王之下大夫四命出封加一
等五命賜之以方百里二百里三百里四百里
以上曰成國據此則唯公侯成國襄十四年傳成國不
過半天子之軍蠡言不成子言不成國之子倚非謂不
能或子符也哀十三年傳稱故濱於東海之陂解濱近
句踐爲越子固明明于爵矣故濱於東海之陂解濱近
也陂崖也音澁魚鼈之與處而澁地之與同音澁
蝦蟇也水邊亦曰陂疏又水邊亦曰陂○禮運釋文曰

南江有渚毛傳水歧成渚釋文引韓詩云一盞一否曰渚釋名云渚遮也體高能遮水使從旁過也故具水邊

之釋余雖覲然而人面哉吾猶禽獸也又安知是譏譏者

乎解覲面目之貌也譏譏巧辨之言也方欲拒吳之請

故自卑薄以不知禮義也疏言解覲而不至禮義○爾雅釋

姑而醜也釋文引台人爾雅注覲擅也一曰而覲也謂

自專擅之貌公羊傳釋文引賈逵國語注譏巧言也

案文十二年公羊傳惟譏譏善辭言尙書懷太子注詔言

作弒後漢書樊準傳習譏譏之辭章懷太子注詔言

也此指上文辭王孫雄曰子范子將助天爲虐助天爲

虐不祥雄請反辭於王解謂以辭告越王范蠡曰君王

已委制於執事之人矣解執事蠡自謂也子往矣無使

執事之人得臯於子解無使我爲子得臯也疏於子○

越世家范蠡曰使者去不者且得舉集解引虞翻國語注執事蠡自謂也我爲子得舉是韋氏卽用虞注也索隱曰虞翻注蓋依國語之文今望此文謂使者使者辭宜速去不去得舉于越義亦通齡案索隱說是使者辭

反解反報吳也范蠡不報於王擊鼓興師以隨使者至

於姑蘇之宮不傷越民遂滅吳解事將易冀是也反至

五湖范蠡辭於王曰君王勉之臣不復入於越國矣解

勉王以德欲隱遁也王曰不穀疑子之所謂者何也范

蠡對曰臣聞之爲人臣者君憂臣勞君辱臣死昔者君

王辱於會稽臣所以不死者爲此故也今人事已濟矣

蠡請從會稽之罰王曰所不掩子之惡揚子之美者使

其身無終沒於越國子聽吾言與子分國不聽吾言身

死妻子爲戮范蠡對曰臣聞命矣君行制臣行意解制

法也意志也遂乘輕舟以浮於五湖莫知其所終極疏

遂乘至終極○越世家范蠡報會稽之恥裝其輕寶珠

玉自與其私徒屬乘舟浮海以行終不反浮海出齊變

姓名自謂鴟夷子皮累巨萬天下稱陶朱公貨殖傳索

行以去止于陶致貲累巨萬天下稱陶朱公貨殖傳索

隱引韓子云賜夷子皮事田成子成子去齊至燕子皮

從之蓋范蠡也越世家集解引張華曰陶朱公家在南

郡華客縣西樹碑云是越之范蠡也正義又引括地志

云齊州平陰縣三十里陶山南五里有陶朱公冢據貨

殖傳及越世家所記皆蠡去越後之事然隱地改名跡

行詭秘當時載筆者疑以傳疑故云莫知其終極也

王命工以良金寫范蠡之狀而朝禮之解以善金鑄其

形狀而自朝禮之浹日而令大夫朝之解從甲至甲爲

浹浹匝也環會稽三百里者以爲范蠡地解環周也疏

水經漸江水注
范蠡子之邑
曰後世子孫有敢侵蠡之地者使無終

没于越國
解誓告也
皇天后土四鄉地主正之
解鄉方

也天神地祇四方神主當征討之正其封疆也
疏四鄉

正之○天子六鄉諸侯三鄉春秋宋爲王者之後獨立

四鄉二師掌之六鄉有六卿四鄉有四正三公頭六鄉

之卿二鄉則公一人二師令四鄉之正二鄉則師一人

分掌其方各司其調句踐自越吳會齊晉王命爲伯諸

侯畢賀號曰霸王已不用侯國之制故仿宋制立四鄉

之官地主者官其地而爲之主也則四鄉專屬人事矣

國語正義卷第二十一終